

學校志序

湖北通志卷五十五

或問曰學校武備皆經政也何特爲之志也曰學校之所繫也大矣三代之世天子諸侯皆有學州有序黨有庠里有塾鄉大夫及鄉先生教之所講明者孝弟忠信仁義之行所誦習者詩書禮樂六藝之文民之秀者入其中不見異物而遷故德行易以成風俗完美比戶可封陵夷至於春秋戰國禮壞樂崩至秦遂剗其迹漢興始稍置學歷代相因有其舉之莫敢或墜宋慶曆四年特詔天下州縣皆立學祀孔子學制寢廣而其效不古若文具焉耳教之道未備而其本不立故也三代之學粹然一出於正後世之學雜然一趨於敝非但驚於祿利之途已也人之生而賢者寡矣捷給乖戾險僻鷲暴之徒無以矯揉其性質之不善學焉則皆足以長其惡非不言忠言孝也而能併其忠孝之實反之非不言仁言

志五十五

學校志序

一

義也而能併其仁義之實反之謂忠也好不肖也大賢心之所非口之所是一人倡其說於自爲眾人鼓其馘而說乃益滋昔孟氏以闢邪說爲己任諸侯放恣處士橫議無父無君之人盈天下則近於禽獸誠疾之也使上無禮下無學賊民興喪無日矣蓋學術不明則邪說勝久之齊民惑於觀聽朝廷淆於舉錯生於其心而及於政事其害曷殫之有往時湖北士尙修飾民安愚魯初無敢作奸犯科冒大不韙之名者知有學也茲之志也亦猶文具而已將慮夫竝是具者而悉亡之也

學校志一

湖北通志卷五十五

學宮一

案漢荆州牧劉表命五業從事宋衷建文學延朋徒至者三百餘

人見王粲荆人州文學記晉庾亮鎮武昌下教開置學宮起立講舍又繕造禮

器俎豆之屬將行大射之禮見宋書禮志通典語湖北學校之始其必權

輿於斯乎然而世遠莫詳今覽諸志大抵皆溯始於宋慶曆近者

則自南渡以下中間修廢之迹頗可考焉因次第錄之若歷代追

崇之典光緒三十三年升孔子為大祀未幾芹藻之地鞠為茂草祀典僅得不廢從祀諸人之位禮文

祭器佾舞樂章諸志一概列入似可不必孔子既天下通祀斯禮

亦率土攸同非一省之事比也茲略而不載云

武昌府學宮在府治南黃鵠山下左長街右城隍廟康熙湖廣通志宋康

定中建後廢為營壘紹興初仍更為學四年教授許中應新其學

志五十五

學校一 學宮

之大門建稽古閣於上朱子記德祐時燬於兵元延祐七年重建延祐

七年庚申記石尙存惟字漫漶不可全識明洪武初修天順弘治正德間巡撫白圭布

政使張敷華知府沈棟冒政相繼修李東陽記武昌舊有學在府

之而重建於國朝正統間久浸頽敝今天子嗣位之初湖廣左布

政使張公實蒞政於茲間以月朔謁廟至學感而言曰夫學舍至

此吾輩之責也謀於巡撫都御史鄭公巡按御史史公請新之乃

發官帑得贏貲若干兩曰此足吾用籍民之有力者曰此任吾役

又簡其官屬之賢者曰此辦吾事刻日就役撤明倫堂之舊而新

之為間五崇基三丈直前為綽楔題曰禮義其後建小臺名曰望

魯臺後為一堂名曰仰高堂左右四齋為間皆三而兩翼各增其

一東齋之後廣學宮之廡曰履素西齋之後為沐浴之所曰精白

又西為會饌之堂又西為號房房八聯以間計者百四十惟孔子

廟規制宏偉不敢輕議興革乃飾其垣楹增堂之高數寸前有池

楯其四旁又前有戟門為扉六其東為神厨西為神庫又於大門

之外為堂曰聚德又南為方橋三中為神道左右為通衢經始於

弘治己酉之冬暨庚戌之秋而成其始則材石山積工徒魚貫旁

午交錯莫知所定及其成也金碧粲聖崢嶸絢爛離立交映蔚為

巨觀者殆不知其繇致也昔者聖人作宮室以為民用其利甚溥

有闕廷而後可以朝會宗廟而後可以祭饗有廊署而後可以

行政令有學校而後可以為教誨肄習之地是道法兼用本末具

舉苟二者不得兼焉與其藻飾以為重憑藉以為華而不得其實

曾不如茅茨土階者固足以朝諸侯除壤掃地者固可以宮室為哉學
棠陰之芟可以聽訟綿蕞之區可以議禮而奚必以宮室為哉若者
之為政實兼廟祀廡舍而有所繫甚重而政之廢亦莫此若者
蓋非特業習之荒落乃並其居而忽焉以為政不在是嗚呼是豈
知政者哉湖廣大藩武昌首郡國家漸涵教育之澤餘百斯年軌
文章絳之盛不待北學於中國而孔子之道明是其學政所繫不
亦有徵而可使勿繼乎哉張公以春秋舉進士積學翰林歷著聲
跡今日之事足徵所尚而吾藩諸賢大夫實左右之良有司又奉
而成之其於聖天子維新之化不為無助矣凡學之為師為弟子
者居其室蓋思盡其業睹人之功益亦思所以稱其志哉始是役
政也訓導梅某輩及其諸生致書京師請予言以紀其成故書之

嘉靖中按察使萬虞愷於學宮外即驛傳道故址闢門從東入明
李燬於兵清順治十四年總督祖澤遠巡撫林天擎修

林天擎記云子自癸

已冬承乏左藩瞻禮聖殿頽垣蕪陋不蔽風雨即圖鼎而新之晉
秉節鉞日繁軍務更甚事場屋忽忽餘適有事釋奠庠生楊如
杞等庭見而請曰惟武昌稱省治而府學實百餘鄉學之冠茲芟
芟荆棘固不足肅祀典且明倫之所欲就傾覆司鐸者皆僦居民
閒似非新朝文治之盛顧西南弗靖軍需浩煩誠知公帑不給曷
忍以咨仰屋惟是涓滴廩餼雖諸生所資膏火願盡捐以為基金
募崇儒重道者佐之工或易集惟都憲倡焉可旦暮見諸行事余
欣然喜曰斯固余志也雖然余撫綏此閒實宜身任厥事乃至費

志五十五

學校一 學宮

二

諸生儋石之微何能即安第不佞飲冰之素諸生之所知也多無
能應姑以二百金為鳩工助諸生唯而退復請於太保祖公捐俸
相若以及藩臬諸大夫等無不斥貲有差飭材集匠凡榱桷朽蠹
者以易瓦石騫穿者以更丹堊黝味者以飾至啓聖之祠尊經之
閣文明重地之坊諸學博之衙簣土尺木悉由創建經始於十二
年之秋落成於十四年之春諸生因先期謁余而請記之余思惟
楚有材自昔豔羨况我清賓興疊詔已多聯翩而登為之前茅者
矣後之龍摠鵬奮何可量數余叨洊全省緣拮据機政所以樂育
多士者未殫此衷一二縱觀風各屬稍示鼓舞而驂騶驟駢多未
與試武昌首學冠冕郡邑謹勉為之倡諸生游斯息斯出入斯講
貫攷校於斯胥自今日始是可不謂斯文絕續之際而儒風振勵
之初也哉遂泚筆記之其督工則郎別駕熙化學博胡來廷李啓
魁等例 康熙十七年巡撫張朝珍布政使徐惺修 康熙湖廣通志
宜附書

康熙湖廣通志 蔣永修記云

余順治初宰應山嘗來此閒見其風流都雅詞章鬱勃尚氣節而
重禮義足為百邑宗余意三四十後當必有遠如費禕孟宗李
太和馮當世近如郭明龍吳磊石賀對揚熊芝岡者張楚軍也余
去且十年楚之官於京者曰寥寥劍佩窮山百室不若也余訝曰
是誣我已余歷豫章暨於越又且十年輒有問輒所答如前丁巳
余奉命督全楚學政比至楚詰朝進謁文廟均頽傾剝落瓦礫荆
榛始喟然於人文之所由衰也三代以下所以維繫人倫隄防名
教者恃有孔子耳無孔子則必無君臣父子則必無兄弟朋友夫
人心善因彼以爲聖人之居荒涼若是是褻聖道也聖道可褻亦
何所不至因之爲渙散因之爲攘奪因之爲背叛而欲使人讀聖

人之書學聖人之文彬彬乎其可觀者我知其無是理也故雖治
化之跡具在賢士大夫經史諸子道德仁義之徒去來其間者亦
未嘗絕而入則無聖道之歸以爲感發而徵驗夫日納於聖教之
門以教人而向有不斷乎必無之事也余於是惻然憂惕然懼以
創葺爲己任因請於前撫憲張公並告方伯徐公及同人諸君子
皆樂爲措置共勸厥事惟時軍供旁午展轉閱二三年庚申秋又
幸撫憲王公榮戟初臨踵事增麗櫺星泮水易腐滌汚聿觀厥成
余心少慰然而未也當筭簧久曠之時沈淪已甚天機眞性未能
驟發况都會之閒易爲興感亦易爲汨沒彼且視治化之跡及賢
士大夫經史諸子道德仁義之徒以爲尋常而靡麗紛華又非外
郡可比則日侵而月蝕之雖寢食宮牆恐無補也噫余所司何事
而抱此無窮之憂乎因語司鐸石子王子曰我輩既身任師表務
實心實意知天地閒惟此一事而此一事在我彼胡安定者獨非
人傑乎哉其教蘇湖也當時即取爲國學法人至今稱之亦以其
所爲者乃天地閒第一事豈獨至今稱之雖萬世稱之也今獨不
能爲安定乎意惟計生徒之多寡以廣學舍量室廬之遠近以爲
期會分文行之科比才智之等程騎射算數之能各有其領如院
長然各有所分如科房然課藝有期設備有時給假有規其最優
者列聞當事不率者夏楚勿惜懷懷不可犯循循不可亂則教之
興也至於五經書史類而通之漢魏八家廣以設之而又考居家
之淑慝察涉世之正僞省退處之隱微行之三四年間則教之成
也余用是諄諄其有不盡言者亦推行其不得
已者爾王子欽命石子永年因請而勒諸石
雍正十年巡撫王

志五

學校一 學宮

士俊即明倫堂舊址改建崇聖祠拓學西地建明倫堂遷名宦祠
於大成門左鄉賢祠於大成門右置文武官舍於左右之下又於

櫺星門左右添設戟門

雍正湖廣志

王士俊記云鄂之爲學自

且增加焉臺曰望魯堂曰仰高其前之大者曰聚德旁曰履素曰
精白今其尚有存焉者乎康熙乙丑官斯土者復新其舊則今之
武昌郡學是也雍正九年冬余奉命撫楚得循往例瞻拜周覽導
儀者肅而退余乃詢於眾曰楚材號天下久矣而學制缺如可乎
且夫皓首窮經其入芹宮也始稱博士弟子員弟子之職入孝出
弟非其事乎崇聖祠者推聖人之尊以尊之其義做諸王者之禘
今僻在一隅九成避暑猶曰非宜况輝煌廟貌其何以妥神靈而
廣錫類非所以教孝也明倫曰非宜况輝煌廟貌其何以妥神靈而
今儼然踞大成之上事師如事親叱咤不加道一而已其又南面
臨之而夏楚也非所以教弟也孝弟之道乖而望文藝之成侈然
衣冠之族陋矣乃發道庫公項銀若干兩以襄厥事奉崇聖於明
倫舊址而別闢堂於西與學齋講堂相接鳩工庀材而兩月而工
成惟時勤民事者祀於左鄉大夫之賢者祀於右文僚武職待趨
喧則又推崇聖之意而及其餘也御書鐫板別貯兩楹以待四方
之學者雖望魯仰高諸勝猶有待然以暇游息其閒慨然想江漢
秋陽之遺意從此楚材輩出如馮宋科名張李相業其上焉者爲
周程儒術則教學之道且將擴前言而大之余不敏姑以孝弟之

本有關制作者
為楚學者告焉
乾隆四十三年司道出俸錢修六十年司道各府

州縣捐廉修嘉慶八年國子監典籍銜張枋修樂器嘉慶志道光十

五年提學朱蘭武昌府知府崇秀出俸錢為之倡釀金修朱蘭記云武昌

郡學昉宋慶曆開皇朝定鼎尤崇學校順治初中丞林公益拓其

規嗣是代有修葺嘉慶王申教授熊君士鵬續修之廿餘年來風

雨侵蝕漸即圯頽道光乙未學官楊君溫曾君學達以舞佾失次

為考儒童肄容節樂乃如制而忱巽宮之替也謀於崇郡守議捐

暨郡中牧宰紳士各釀金計四千有奇以為修資於是郡守建議

不假吏胥不專出納委任兩司訓及胡參軍大整紳士則黃明府

兆台駱學博標馮守戎大章等董其役經始丙申季秋閱百三十

餘日而竣予率諸生誦吉瞻拜殿宇巍煥整竣華而匪奢咸式於

度詢其經營之始末喟然歎曰禕哉觀於斯舉可以喻學矣且夫

學之本不惟其名惟其實苟名之是傲則將雕飾藻繪炫目觀而

已豈暇懷永圖哉務實則節而不侈簡而覈樸而有體此無他其

趣異而其所成者相越也繇是推之士君子遊乎是門瞻仰齊邀

必斲乎經明行修醇厚本茂實直中而方外闡然而日章然後可以

任重致遠處則衛道域出則殿邦基斯實之謂也勸學之道亦然

邦大夫積強教悅安之意養端良樸茂之才考德藝以勵其精寬

歲月以游其志使士皆尚實斥浮以聖道為依歸仰副朝廷重儒

崇學之意而不飾乎謏聞動眾之為則聖功何患不崇儒術何憂

志五十五

學校一學宮

四

不正記曰化民成俗必由學其斯之謂與落成郡博咸豐二年燬

士以記請余姑卽是舉指事類情推而論之如此冊

於兵九年總督官文巡撫胡林翼率邑人士重修冊

名宦祠祀漢郭賀以下二百六十二人冊

鄉賢祠祀唐李邕以下三十九人

忠義孝弟祠祀漢黃香以下四十一人

教授訓導署在學宮左右

射圃舊在學宮右訓導署側西南隅今址尙存均同上

江夏縣今改武昌學宮在鳳凰山下宋初以縣附郭就州學別置務本

齋紹興後悉附州學元因之縣志明洪武初教諭沈浩然創建於黃

鵠山北九年移平湖門內弘治十一年巡撫御史王恩改建今所

正德二年提學陳鳳梧修縣志陳鳳梧記云古者學校之設遍

有學蓋當是時無一地而非學無一人而不學其詳且密有如此

者三代以降學校雖設然其制疏而不周邑附於郡郭則不復建

學如江夏縣宋初止就鄂州學別為一齋紹興後悉附於州學元亦因之於邑且然而況黨術之間乎聖朝稽古制治文教大興凡附郭之邑皆有學其殿堂之制師生之額視諸邑無異焉下至於鄉閭里黨亦立社學以教之蓋即古者黨庠術序之遺意也於市盛哉案志江夏縣學國初在黃鵠山北尋徙歸厚坊其地比於市井喧囂湫隘司政教者屢欲遷而未果弘治戊午監察御史餘姚王公恩來撫湖北風采大振開謁縣學退而語諸生曰學也者上以崇聖賢下以育材俊是地奚其宜哉徧擇於城內外無一可者最後得貢院之西鳳凰山下高明爽塏迺遷焉前為櫺星門次為大成門中為大成殿東西兩廡翼之殿後為明倫堂為存誠至善二齋而庖廩饌堂附焉明倫堂外為師儒號舍者三東廡之東為諸生肄業之舍凡五十六間釐為七區舍之南抵於通衢為學門則直櫺星門之東經始於是年冬甫一載而告成事其費計白金二百二十兩皆王公贖刑所措畫者官不竭財民不告勞士大夫行而過者咸嘖嘖稱歎曰是學之形勝殆天設而地藏之以遺今日乎後六年為弘治乙丑鳳梧奉命來典學事至則霖潦之餘齋舍就頽幸分守參議吳公世忠分巡僉事鄭公岳實維同志加意興學鄭公先出罰金若干付知縣王鉉葺之於是齋舍復完吳公則以聖賢像位禮不可褻迺各護以龕几垂以簾幕而時其啟蔽正德丁卯鳳梧令再葺之復於堂南設屏建門以辨出入而制益備矣先是舊學歷數十年未有舉於鄉者更遷以來僅二三科登名者累累焉士以是歡趨之嗚呼豈其然哉書曰天敘有典敕我五典五惇哉天秩有禮自我五禮五庸哉典禮出於天而具於人然所以惇而庸之非學校不可故聚民之俊秀而教之蓋欲其

志幸五

學校一學宮

明人倫興禮教以一道德而同風俗豈區區於科目馬已哉大抵君子之羣居講習必有清曠幽閒之地以為藏修息游之所然後可以居高明遠眺望否則志煩慮亂視壅志滯而能有所成者鮮矣諸生繼自今益求乎其內而無徒務乎其外窮有所養達有所施以為學校榮若徒恃山川之勝而溺志於功利豈今所以遷學之意哉鳳梧懼王公之績久而磨滅又懼諸生趨向之靡定也故為書其遷建之本末刻之學宮嘉靖中御史吳百朋提學張天復修以告後來因以為諸生勵焉

廣通志 清順治中知縣張其珍縣志珍康熙十七年巡撫張朝珍

布政使徐惺都御史王新命二十二年提學蔣永修糧道章欽文

知縣劉朝英相繼修嘉慶三十五年有司借學宮廣貢院號舍每

科編號日就傾圮五十八年知縣潘采鼎力任修葺三載始成縣志

潘采鼎記云鼎蒞任江夏既受事恭謁先師入其門草蔓於階登其堂龕缺於座周行兩廊榛蕪滿目齋房庖福之所則瓦礫僅布師儒都無所託足鼎退而大駭謀議修葺詳請大府蒙報可度材會事工費繁鉅於是率先捐俸勸邑之紳士助不足勸城市居民及各里之富室助又不足凡終歲罰緩悉以充入擇日鳩工甃石為基視舊制各加崇有差於大成門左右修名宦鄉賢祠明倫堂東偏建四賢祠祀前明吳忠烈郭文毅熊襄愨賀文忠其西偏築論秀堂諸生以時誦習其中又於明倫堂下建齋房為開十有

八曰崇德曰成藝為諸生肄業之所案邑乘自雄楚樓直下悉隸
學宮基址近為兵民雜處無半弓隙鼎給以遷徙之資得半壁後
依山為屈陶兩祠前傍禮門建學博廡舍訓導齋舊在雙孝祠左
不蔽風雨亦更設數楹以益其居經始於康熙五十八年五月落
成於五十九年十二月為費幾五千金董其事者邑孝廉岳廷項
太學生婁正志也仿古祭器凡二百三十釐學舍增祭費以光大
典夫江邑素為楚望人物多縣庠而數百年來聽其廢壞祀典荒
略甚非所以觀聽斯民之意鼎不敏竊有志於化民成俗之道以
為舍此宜無有大焉者故拮据部署而創新之
興行禮讓將於是有其於治化豈無補哉
嘉慶八年教諭陳

昌垠勸捐重修嘉慶十九年邑人楊毓蘭道光九年知縣邵勳邑

人陳鑾修陳鑾記云江夏廟學近年自甲戌歲生員楊毓蘭捐修
鵬與邑侯邵公勳謀所以新之公前後出白金三百助修進候選
訓導路履中胡大章生員古韻羅宗義李滋劉為章曹繼勳路鶴
鳴宋奎專責之以勸捐之事進候選訓導樊朗生員魏文楷專責
之以監修之事又以書告鑾捐金五百助之其廟學之中為大成
殿旁為兩廡外為大成門為櫺星門為儀門後為講堂為啓聖祠
左為名宦祠四賢祠右為三閭大夫祠陶公祠雙孝祠鄉賢祠節
孝祠土神祠暨一切神主禮器朽者易之缺者補之毀者新之共
費白金二千兩有奇始於己丑九月告成於辛卯三月竊維廟者
所以崇祀先師學者所以成就人材而先儒之言輒謂古之成材
也易今之成材也難其故何也夫古之立學者必身入其中廩膳

志五十五

學校一 學宮

六

以給之朝夕以課之前言往往行耳濡目染故處為名儒出為名臣
而成材甚易今之策名於學者終歲不與學官一晤究其所學亦
不外四子五經之書但知以爲帖括之資而於發明義理身體而
力行者概乎其未有聞焉故於所謂仁義禮智忠恕誠敬者則第
如帖括家而以經理題目之於所謂從政爲邦治國安民者則第
帖括家而以經理題目之於所謂從政爲邦治國安民者則第
者之所秉承莫不沿譌襲謬相習於非而不自知及其揣摩之既
熟科名之既得所謂五經四子之書則已弁髦棄之而不知所謂
仁義禮智忠恕誠敬者即大學所謂明德也所謂從政爲邦治國
安民者即大學所謂新民也大學所謂明德也所謂從政爲邦治國
萬世之人材者莫備於此士也服古入官其孰不當以明德新民
自責而乃專以爲帖括之資乎且大學之教自天子至於庶人皆
以修身爲本夫本者對末而言天子以下有新民之責可以言本
庶人無新民之責而言本者凡以其身以下有新民之責可以言本
此而能明德以自新而所接之人苟薰其德而善良是即所謂新
民蓋新千萬人為新即新一二人亦爲新信乎呂氏之言曰庶人
亦有新民之責者此類是也循是說也士苟本其自治者以治人
使一世之閒君義臣忠父慈子孝兄愛弟恭雖堯舜三代之治亦
不過此此豈非先聖之忠父慈子孝兄愛弟恭雖堯舜三代之治亦
甚期者乎如是以言成材又何有古今之別難易之殊歟咸豐二

年寇燬同治二年邑人重修光緒八年九月巡撫彭祖賢飭知縣

史悠慶修采訪

名宦祠祀唐趙憬以下二十七人縣志

鄉賢祠祀唐李邕以下三十九人

忠義孝弟祠在儒學儀門左祀漢黃香以下二十八人章學誠記云江夏縣

學宮舊有劉孝子祠建自雍正年祀縣孝子劉君定遠歲久蕪廢開架僅存讀壁間石刻孝子蓋善事嗣母嘗封股愈母疾母卒廬墓三年被旌而得祀於學者也乾隆壬子縣附貢生程生雲炳輪田若千石於官誦為科舉之士具宿春糧已而輸若千石供府書院生徒膏火又若千石為學宮歲修土木之需一時當道鉅公嘉雲炳任郵好義臚狀請旌雲炳退不自居曰此先人夙志雲炳特奉行之耳案蕭檢討廣運所撰程君墓誌君諱聯槐侯選布政司經歷好學篤行能務其大家門五世同居人無私財嘗以程族徙自徽州而江漢之間支屬繁衍獨在建祠造譜輯睦宗黨志不自為溫飽其推而施者未竟其涯而中年逝世雲炳其長子也所謂奉行風志蓋有自歟於時雲炳方增飭學舍師儒相與議曰雍正三年詔天下府州縣建忠義孝弟祠於賢舍所以表人倫也今學舍有雙孝祠祀漢黃香晉孟宗又有四賢祠祀明郭文毅賀文忠熊襄愍吳忠烈獨劉孝子為專祠而無合祀忠義孝弟未足以稱全備昭功令也今以程君附祀於列義行與忠孝並得請旌載在祀典豈不偉哉眾以為然余適僑居江夏承乏通志之役見邑宰據紳士呈請旌揚通詳制軍因得悉其始末不禁喟然歎曰忠義孝弟隨所遇而著其蹟耳其人非有所別擇亦非有所仿而

志五十五

學校一 學宮

七

為是名也即以劉孝子與程君論劉君嘗竭蹶營地以擴其先人所施義塚何嘗不尚行義而程君痛父母早逝每諱日孺慕終身不衰又何莫非孝子之行歟蓋敦行服古則其中肫然藹然必有其不容已者見於事親則孝見於推施則義忠臣事君悌弟恭兄易地皆然所謂得其本不待齊之於末者也若泥於其蹟而徒務其名且或謂忠義孝弟各有所長則愛人知人非得卜氏疏通仁智且相厄矣余既聽師儒之議又嘉雲炳能以孝本學節義祠在成先人之義也為申明其指勒石於祠以曉來者

儒學儀門右祀縣教諭魯唯訓導阮熙仁文生王人寶以下四十一人武生何崑山以下八人

節孝祠在學宮外右

教諭訓導署在明倫堂左右均同上

射圃在教諭署旁采訪冊

武昌縣今改鄂城學宮舊在縣城內西隅宋崇寧中遷城南里許建講道堂二進學好問興藝武士就傅齋五淳熙中縣令周復遷縣治

東南兼有南湖書院地即今址嘉定中陞壽昌軍學尋為郡學元

至元中改為府學大德中析為武昌縣學八年知縣馬天敏修

勝記云武昌縣即宋壽昌軍也軍籍有學燬於兵皇元混一六合

始陞府知府事孔遵創禮殿立堂宇齋廡厥後革為縣今縣學即

壽昌府學也無何頽敝大德八年夏縣令馬君天敏至迺諭之達

魯花赤馬主簿孟德成命曰偉哉遂昉斯役文學遂宋克寬躬率

其徒經始於大德八年冬十月九年春三月落成嘗謂學之有講

堂尊道也道莫急於人之大倫虞氏設司徒敷教周官命司徒敷

典皆是物也豈借此聘雕蟲之技務口說之騰為賈奇泄私之地

哉嗟夫自三代以還令不知以學為政自孔子既遠師不知以道

為教武昌異時為水陸爭戰之衝其民疲於戈矛不得一於學也

方今天下泰然文治大興田夫野老亦知驅其子弟就社師而教

焉先進禮樂之風藹然茅檐場圃之間為令為師者啓其秉彝好

德之天使知有君臣父子夫婦長幼朋友之大倫而一趨於先王

立名與實副矣 至正五年監令王文賁修明洪武三年知縣孟

吉改建 案康熙雍正嘉慶 正統四年知縣許誠十四年知縣牛達

教諭杜巽成化十六年知縣謝廷舉修 薛綱記云武昌縣學古壽

江其規模宏敞殿堂壯麗視他學為最宋崇寧間建議道講堂進

學好問興藝武士就傅等齋廟至二百七十二間淳熙中又遷置

講堂列文會行成忠告信道四齋其為道計也至矣逮元陞壽昌

為郡府尋復為縣更改不一學亦寢廢中開監令王文賁亦嘗修

志五十五

學校一 學宮

八

之入國朝縣令孟吉亦嘗增置之自後寥寥無繼賢舍坵墟矣越

庚子廣東謝廷舉來知縣事乃慨然捐俸為倡鄉大姓朱昌等皆

樂為之助不數月間殿堂門廡齋號廩室煥然一新子督學至彼

喜巽宇更新江湖輝映晴金寒玉搖動几席充焉若有所得乃進

諸生而與言曰謝令與學知計道者在天下如水之在地中散而為池

惟諸生不以道為務耶夫道之在天下如水之在地中散而為池

為湖為海為江皆水也但止者滯焉流者達焉南湖滯於一而為

易為湖止也長江一瀉千里達乎四海而後已不止也諸生其為

南湖之止抑為長江之不止乎如是不求其止必士而希賢賢而

希聖不入精微不詣遠大不已如是庶不負為聖世之良材亦不

負子之誨言與廷舉之用心矣 十八年通判王蔓知縣劉吳鏜修

櫺星石門三座弘治七年知縣聶賢建尊經閣十三年知縣商清

朱欽修嘉靖十六年推官沈汝章隆慶六年訓導譚思萬曆元年

知縣李有朋十二年知縣高凌奎二十四年知縣何以讓修清順

治十一年知縣張春枝修 孟振祖記云壽昌學宮舊營於郭外適

泰興張侯春枝甫下車之明日行釋奠禮畢相與步出南關外覺

湖山之秀麗弔舊學之荆榛揖學博於堂集諸生而詢之曰儒教

重乎抑釋教重乎僉曰儒重侯曰未也諸生不知所以進而問狀

侯日子不見武昌之近郊乎龍蟠閣祀大士也而檐阿收江上之

雲寒溪寺尊釋伽也而金碧發西山之秀至先聖宮牆則徒見夫
敗椽斷瓦飄零於淒風苦雨中甚非所以崇儒重道者也子何異
乎吾言諸生請曰非不欲為時不可也侯曰敢問時之為說諸生
日明季之時知有兵而不知有學故見兵而學遂置之膜外迨維
新之始知有學而亦不知有兵故畏兵而學且視為緩圖侯曰今之
時何如僉曰其可矣然則孰董其役僉曰非有幹才者不可於是
進周生慶禎孟益生益吉等及不才振祖侯乃進而詔之日學之隆
替有時其興作亦有時時以春為首從祀諸賢以先聖為尊大成
殿時之春也其首之繼春者為夏夏之卦為離離之象曰麗乎正
以化成天下而明倫則化成之本也其次明倫堂若夫啓聖有祠
祀成聖人者也而成之道於時宜秋其次之尊經有閣藏聖人之
典籍者也而薛之道於時宜冬其又次之他若櫺星門其時之正
月元日乎東西齋其時之積餘成閏乎皆所當次及者也諸生曰
唯乃諷吉經始六第落成侯顧而樂之曰是可謂崇儒重道也已
而或者遂以兩廡請侯曰時不可急也譬諸啓閉啓者閉之漸而
閉者啓之源我姑與民休息以俟其時之啓乎請以終夫時之說
以待後之能者振祖

識其詳故泚筆記之
康熙五年知縣熊登四十二年知縣呂賁恆
教諭張光庭雍正十一年知縣張慄教諭顏星乾隆二十二年知
縣謝奉璋訓導熊彤程道光十三年知縣李錦源教諭田玉先後
修咸豐二年粵寇燬壞九年知縣錢炳熙移建同治六年知縣潘

志五十五

學校一 學宮

九

亮功七年知縣張旻相繼建修縣志十二年落成采訪冊

名宦祠祀晉陶侃以下二十四人縣志

鄉賢祠祀宋孟宗以下二十六人

忠義孝弟祠在尊經閣右祀周江上丈人以下十人

節孝祠在明倫堂前

教諭訓導署在明倫堂後

射圃在學東有觀德亭三閒明永樂九年知縣官績建今廢均同上

嘉魚縣學宮在龍潭山麓宋淳熙中建康熙湖廣通志元至元二十一年

主簿狄忠元統三年縣令蘇靖修王宜振記云武昌為楚重鎮嘉

秀開設學校作養人材訓迪有師肄習有業章甫縫掖之士皆得
遊於聖人之門學宮舊在縣城南基址湫隘宋淳熙戊申縣尹姜
偃遷於龍潭山之上歲月更代風雨震凌元至元甲申主簿狄忠
重修殿廡樅松夾道遺愛尚存元統三年甲戌冬臨清蘇公來尹
茲邑下車伊始首謁先聖廟見而惕然籌所以新之首捐廉俸為
之倡士紳相率資助多寡有差於是崇禮殿及兩廡皆得粗具規

模一洗從前之陋土有絃誦之樂條瑕蕩穢復還明洪武八年知

偉觀其為風化豈曰小補之哉爰勒石以為之記

縣吳起文以廟學隔越即廟左山麓建明倫堂正統十二年知縣

莫震修縣志韓陽記云南嘉武昌上游之邑迺湖湘要衝之區

文以廟學隔越非宜乃即廟左山麓建明倫堂後為正心明義二

齋而文廟則未之修迨今七十餘稔殿宇傾頽門廡顛敗未有能

振其廢者正統庚申吳江莫震來知縣事拜謁學宮顧瞻殿宇頽

廢不勝作而歎曰學宮之廢興長民之責也震敢不以為己任耶

迺悉心以圖修舉邑之好義者咸樂相助如是召匠揀材揆日庀

事朝夕臨視卹其勞役而課其章程崇其垣墉高其臺址禮殿兩

廡皆撤而新之櫺星戟門內外輝映始事於丁卯三月畢工於戊

辰四月妥神有位配侑在列而他所宜者罔不具完矜佩來集弦

歌相聞人皆嘖嘖稱羨以偉其成司訓黃真請記於余余竊以湖

湘廟學府州之外縣庠凡一百有奇邑宰莫震氏以蕞爾區乃能倦倦

心以為心者未能多見今南嘉邑宰莫震氏以蕞爾區乃能倦倦

以修理學宮為念而文廟為之一新不惟見其能尊崇斯道抑亦

可以見其無負聖天子之擇任也嗣後知縣孫倫馬炳然提學陳鳳梧相繼增建

康熙湖廣通志崇禎六年知縣程可登邑人熊開元拓闢廟址改造稱備

清雍正七年知縣王邦胤修道光十八年知縣毛鴻順出俸銀三

百兩修未竣二十八年二十九年知縣劉榮率邑人士釀金一萬

有奇改作兩年始成縣志

名宦祠祀元成宣以下十六人縣志

鄉賢祠祀明李田以下十一人

忠義孝弟祠在學宮外左

節孝祠在學宮外右

教諭署在北門內試院右訓導署在南門內東籬塘之東久廢今

移教諭署內

射圃舊在學宮右建有觀德亭久廢均同上

蒲圻縣學宮在縣治南舊在金疊山下宋紹聖間知縣朱壽昌移

建今所淳熙十五年縣令汪泳端平三年薛儀老元至元五年縣

十二年郭鳳儀正德元年焦貴嘉靖十一年吳本固修嘉慶志

蒲圻為鄂之壯縣儒學在縣治南即宋故地址基孔阜面勢向陽

清溪迴環遠岫森列實一縣之勝地也歷年滋久日就頽頹正統

庚申冬十月永新胡公通理奉命來宰縣事於是經營籌畫召匠

簡材一皆撤而新之他如祭祀之器與凡庠校所需之物鉅細畢

舉廟學規制於斯為備經始於正嘉靖二十四年知縣李桂修

統六年十月訖工於十年十月嘉靖二十四年知縣李桂修

道南記補廖記云惟皇上御極二十有五年秋八月哉生明蒲

圻學宮成先是西粵李侯桂涖政之夜熒惑守斗侯乃大恐諸生

言曰茲土之有邑也自吳赤烏始也時諸葛孔明以漢丞相會魯

肅於陸口戎馬倉皇弗閑俎豆迨唐改遷鳳山鄭佖瑄肇澄化源

侯今涖止勃馬興思其諸佖瑄之遺緒也哉侯以時誦舉贏讓而

弗遑者逾歲越明年早魁溫隆室如懸磬諸文學言曰茲邑之有

庠也自唐永徽始也時李必聞以唐宗室借鄭光系於純川雲雷

經綸天造草昧宋改遷金豐朱壽昌助建安宏基侯今涖止溢馬鳴

鐸其諸壽昌之遺訓也哉侯以工浩財置讓而弗遑者再又明年

歲登和豐民有定宇諸鄉大夫言曰茲庠之有宮廟也自宋乾道

始也時汪侯若游以文公鄉髦聞風興起而薛侯儀老相繼成之

迨我明詔新學校柯侯日新吳侯俊郭侯鳳儀胥加修飭侯今涖

止煥焉庶制其諸若游之遺緒也哉乃率僚徐君禎宏規畫拓疆

域具畚揭輸瓦甍平水泉奠方位董章程課廩餼日不暇給經始

志五十五

學校一 學宮

十一

知縣林增志重修圖書集成清順治六年知縣張蘇修康熙二十

六年署知縣張芑雍正七年知縣吳珽教諭鄒受祉修嘉慶二十

三年訓導蔡敦仁修東齋道光三年教諭左承陽修西齋並學宮

牆垣堂廡道光十六年教諭陶英鴻訓導吳直鈞修咸豐二年燬

於兵四年知縣孫守信七年知縣夏錫麒相繼重修十一年復燬

縣志同治十年知縣姚繩瀛教諭周鳳鳴訓導胡文炳重修采訪

縣志名宦祠祀唐鄭佐瑾以下十九人

鄉賢祠祀宋費思古以下三十人

忠義孝弟祠祀宋李甲以下五人

節孝祠在學宮外

教諭訓導署在學宮左右均同

射圃

咸寧縣學宮在登高峯下宋慶曆中建元末燬於兵明洪武三年

知縣馮和建康熙湖廣通志天順元年知縣陳灝修縣志伍福記云平

寧邑也不二三年政用有成上下輯睦平易不撓民安於無事尤

以學校為務而究心焉時學之禮殿門廡神廚齋舍歲月既久日

就傾頽侯每周覽歎曰予自垂髫游歌序讀聖賢書發軔即官

矧今內朝清明外無繁令正予崇報之時學校之修非吾事而誰

事於是視棟榑榭之腐者撤之瓦甍之缺者驅之象設采色之

翳者易之首創禮殿高踰三丈視舊有加而廣如其舊門廡神廚

齋舍諸屋次第具舉增露臺於禮殿之前南面之象侑食之容衣

裳冠履儼然有別經始於景泰七年冬十二月訖工於天順改元

之夏僅及半載煥然一新賢矣哉陳侯之用心得以據其圖報之

忱矣於戲治教之休明豈專在於宮室之美哉聖人之道如日中

天敦敘彝倫推明至理修齊治平之方裁成輔相之道本末具舉

萬古不易然簡陋不治則無以行典禮而隆教養何學校之云乎

斯舉也誠可謂知所弘治中知縣施達建明倫堂正德中知縣王

介修兩廡後知縣茅信蕭立業相繼修清順治初知縣周文華濬

泮池得古銅象尊犧尊壘尊各一康熙九年知縣何廷韜修縣志乾

隆五十七年知縣陳煜修嘉慶志嘉慶十八年知縣王希琮出俸銀

志五十五

學校一 學宮

十一

修縣志曾芝記云咸寧為邑隘且勞也綜其地才一十六都而

東連武昌江夏為之衝西界蒲圻嘉魚孔其道南接通山崇陽

興國羣山午錯而其北則水鄉沮洳庫漫民居鮮少蓋田廬居邑

之三湖山居邑之七賢宮地偏常滋朽蠹邑侯南陵王公來未數

月政通人和百廢具舉即議析而新之教諭冀君樸齋訓導鄭君

魯池亟言於公公即出廉俸市材木計程期卜日鳩工經始於十

八年三月訖十二月落成實用公之廉俸三千五百兩有奇公雖

簿書鞅掌猶日一至以督之於戲其可不謂之賢歟予之來也後

未能襄厥事聞邑人士頌公德道光四年邑紳胡克椿建節孝

爰書於石以志公之賢而勇焉

祠八年邑人集貲修崇聖祠明倫堂忠義孝弟祠同治四年燬於

兵邑人醵金重修光緒八年濬內外泮池縣志

名宦祠祀清蔣永修以下二十二人

鄉賢祠祀唐李邕以下二十人

忠義孝弟祠在學宮左側

節孝祠在學宮右側

教諭署在明倫堂後訓導署在學宮東

射圃在北門校廠舊有觀德亭三間今廢均同

崇陽縣學宮在縣治北舊在西門外創自宋元末燬於兵明洪武

初知縣顧華改建今所天順五年同知萬璋知縣焦玘修據伍福

伍記云崇陽舊有學在縣西數百武創自有宋燬於元末明洪武

初知縣顧華始即楚安寺故址構禮殿嚴祀事而明倫堂齋舍漸

次以備歲遠堂宇摧撓去年冬大府檄貳守萬公德純行縣顧謂

學校為政所先弗修吾責也明日視政集吏民督其怠事輕其罰

得碩材百餘乃召邑宰焦君玘博余君瑄司訓吳君讓魏君敬

謂曰學之修吾有處矣而工用之需飲食之具嚴督之方邑宰主

之朝夕規畫邑博諸君事也由是二三君子競相勸勉士民耆老

翕然佐之創明倫堂三間高二丈有奇深三丈廣倍之東西齋六

間諸生文房饌堂若干楹皆高明堅續經始於庚辰冬十二月

成於辛巳春二月弦望兩易輪奐之速規畫宏遠視昔有加成

化十年學道嚴淦知縣秦夔通判王蔓修嘉慶崇禎中知縣徐應

問重建明倫堂明末盡燬圖書集成清順治十二年知縣賈漢誼

教諭馬世盛訓導吳緒揚重建縣志王應斗記云今上首崇道

而吾邑賈侯報政三載適與時會愷悌之餘民悅易使於是集博

士馬君某暨子衿某赴學僉議力任更創始芟荆度地築土垣數

萬步以樹厥藩次依占候某所卜大成門及東西廡皆如故址次

儒學門稍西徙以正厥面次廣文齋舍遷就高爽次啓聖名宦鄉

賢三祠址不易故制則標新次建明倫堂周環新美始拔去朽腐

建文廟巍巍翼翼觀者敬起數十年茂草之墟忽耀日星恍若轍

轅之歸故鄉而絲竹之音琅琅在四壁閒也自經始迄終侯每旦

坐堂皇纒一晷即臨學董治雖木石薪土之煩必親必戒迨天

中擢守益復經營勿替聿觀厥成比今之遠廬一官視數畝之宮

僅如甌脫奚起霄壤哉落成之際適值賓興得脫穎一人已光始

事乃侯屬望甚宏猶存乎見少則有說焉華之初開始於一尊樂

接武仰副栽培不在旋踵耶雖然此文事也丹黃藻飾之泰山之

志五十五

學校一學宮

費千有餘金而紳士捐助義民輸資僅四百有奇餘皆冰檠節省之遺也力少而功倍民未知勞蓋侯宏才四應百廢具舉此其一端

雍正六年知縣張慄修嘉慶志乾隆三年知縣黃袞十六年知縣

曹學詩修嘉慶五年知縣曾翕受教諭石元吉改建道光二十二年知縣金雲門修咸豐四年寇燬八年知縣王筠節重修如舊制

縣志

名宦祠祀宋張詠以下十五人縣志

鄉賢祠祀明胡興福以下十八人

忠義孝弟祠在教諭署左

節孝祠在訓導署右今圯

教諭署在明倫堂左訓導署在學宮右

射圃在學宮左明成化十年通判王蔓建十六年知縣劉信改建

敬一亭右創觀德亭三閒久廢均同上

志五十五

學校一 學宮

古

通城縣學宮在縣治東明洪武五年知縣馬極建永樂九年知縣

曹景昇成化中知縣喻峻通判王蔓相繼修康熙湖廣通志徐

創自我明乙巳夏令尹永陽馬極來知是邑公勤廉介下車之始瞻顧左右訪儒學謁先聖者民對以燬於寇竦然驚曰學校風化所關古一郡一邑莫不立學通城為武昌望邑建學明倫縣令首務此鳥可緩乎甫期年相地一區巡縣東十餘步水繞山迴四獸拱伏正聖哲之所居賢人君子薈萃之所也即定厥址捐俸以為之倡士民觀感羣相勸貸不逾月鳩工度木相地取中首建聖殿高三丈五尺深廣四丈有餘棟宇連雲丹雘日規模宏敞煥然改觀前創櫺星門戟門間計以三翼以東西廊廡數各加之後建明倫堂饌堂各三閒東西衛以齋舍東日進德西日修業他如神廚庫房射圃豎亭出入敞門巍巍峩峩煥然鼎新厥功告成師生日相與講道論德於堂微者顯幽者闡士之得遊於門者豈特旅進旅退而已哉余典教茲庠諸生范純楊懋請言以識往事輒令詢於邑之耆民陳文貴具崇禎七年雷擊殿東井柱知縣趙三台得始末因書以垂不朽云

修明末兵燬清順治十三年知縣毛鍾彥重建康熙閒知縣吳國

瑞率邑人吳亮士等修縣志雍正三年知縣李介八年知縣周洪修

雍正湖廣通志乾隆九年知縣楊浩教諭楊仁訓導邱良驥改建明倫堂

二十八年教諭張士樞訓導繆奎修五十五年邑人胡世賢修嘉慶

志道光七年教諭張起唐改建並遷明倫堂附於左二十二年知

縣林逢年教諭陳曉陵訓導張承麻邑人傅協中修咸豐四年寇

燬九年知縣傅詩率邑人重修縣志

名宦祠祀宋孔端植以下三人縣志

鄉賢祠祀唐廖忠以下三人

忠義孝弟祠祀宋方瓊以下三人

節孝祠在縣署前左

教諭訓導署在學宮左

射圃在明倫堂右舊有觀德亭後毀均同上

興國州今改陽新縣學宮在龍蟠山下康熙湖廣通志宋始立軍學治西北隅

熙寧中遷於治南元祐七年知軍胡師文徙於舊址之岡東向乾

志五十五

學校一 學宮

十五

道六年知軍葉模改建西岡南向嘉定七年知軍李壽朋拓修正

殿知軍虞旒孫改建門隄建泮水歸詠二亭聞人模有記見金石元至元十

四年陞軍為路立路學順帝至元六年總管申克溫至正三年總

管焦思忠六年達魯花赤石抹帖木爾不花八年文學掾陳松年

修州志陳松年記云興國為郡環抱皆水而魚湖之利為大故

學官無公廡可居不得已而僦民屋去學舍頗遠或曰學之東偏

有明倫堂後易為教授廳兵燹後瓦礫榛莽矣謀欲建數椽而窘

於學計之不足及考之簿書學舊有魚湖之利久為豪佃所據遂

白之有司會府官主之憲臺是之行省明斷之始得復業於是事

力稍舒乃度材命工首創大成殿既又修廊宇講堂葺齋舍補祭

器輟學倉工役畢備然後刻荆棘築牆垣贊土石構堂屋蒞事有

廟退居有室課子弟有塾介廳堂間作舫齋以款客庖廚廩廩略

就次第暇則從容對遠山挹平湖前有池蓮淨植後有窗竹陰森

由是學舍可以容膝士友可以盍簪矣或有笑於列者曰子可謂

勞矣國朝以三代考績及代且至奚必若是余曰不然一日必葺

予之志也子勿謂勞充而十二年兵燬禮殿獨存明初政府學通

判鄭璪同知翟奎修洪武九年改州學知州李文聲成化聞葉普

弘治十四年胡瀛正德中李東嘉靖十六年劉綸十九年吳希賢

二十九年周鵬相繼修康熙湖廣通志 朱廷立記云弘治辛酉

宏麗冠諸他郡迄今五十年寢敝甚矣嘉靖戊申南海周公鵬來

守越明年冬乃禮勸其民之贏於財者風示其民之慕於義者罰

治其有罪而情可原者費已足謂學正王君曰其經度之王君曰

吾學事也其懃懇悉如公志又明年秋工告成自正廟若庶若門

若啓聖祠若明倫堂若齋舍若宰牲所若鄉賢祠若名宦祠無弗

完且美者公猶曰往迹不可鑿乎乃贖於當道曰州之南港有餘

地若干畝民佃之其所輸租皆有司得也蓋以其地入之官凡歲

得租十二金則十年可得金百二十矣二十年之後有修敝者則

二百四十金可足歷歲久遠大抵以是為差不愈於取諸民乎當

道者是其議自是為不易之規矣公曰吾敢以此角勝前人薄視

後人哉盡乎此心而已矣頃過子問記不得辭嗟夫胡公之新學

也予師陽明王翁記焉公之修其敝也功雖半於胡公而其貽謀

無窮則遠過之子雖執經翁門而實未之有得何能為言竊聞之

記曰凡學之道嚴師為難師嚴然後道尊尊然後民知敬學夫

師嚴者嚴重之也孔子萬世之師也學宮且做尙得為嚴師乎道

日弗尊而欲民之敬學乎今天下之士之學亦已做矣誦說孔子

將為富貴利達之求乃其習心及於其既得則昔所謂誦說者悉忘

之乃其習俗去其習心變其流俗則外至者釋內有者存所以理

其敝而存其新也興國為楚名郡代有聞人繼清順治八年巡道

今顧無有益新其學業如公之新其學宮者乎

志五十五

學校一學宮

六

李呈祥修十七年知州楊霖楊遵學正程一棐訓導羅光映康熙

五十四年知州高夢龍雍正二年知州黃澄九年署教諭顏星修

十三年知州高鑒率州人修乾隆二十四年知州蔣日棠三十三

年學正湛潮嘉慶十三年知州椿齡修道光十八年水圯三十年

知州宋晏春修培高基址累石為垣咸豐十一年寇燬州人陳光

亨等改建州志光緒七年崇聖祠圯明倫堂蟻蝕知州李翰改建州志

名宦祠祀三國吳甘寧以下五十三人州志

鄉賢祠祀晉孟嘉以下三十九人同上

忠義孝弟祠祀清秦承燠以下六十四人采訪冊

節孝祠在學宮右州志

學正訓導署在蟠龍山

射圃在學宮左均同上

大治縣學宮在縣治西

康熙湖廣通志

宋知縣潘子韶建

王質記

元至正元

年知縣周鏜修

縣志

明洪武八年災十二年知縣王伯時重建

康熙湖廣

通志三十二年知縣于賢永樂五年知縣蔡禎弘治十二年知縣劉

瓏嘉靖十四年知縣趙鼎萬曆十二年知縣吳仁二十年知縣楊

令名三十年知縣程九萬修崇禎末土賊燬春秋朔望設荻蓬行

禮清順治六年知縣劉源湛訓導官撫邦重建康熙三年知縣張

元榜陳飛鳴訓導陳夢暘八年知縣石邦柱十八年知縣董國相

二十二年知縣陳邦寄教諭王禹書雍正七年知縣張淑郡知縣

周之相十三年知縣王言大乾隆六年知縣朱繼緒三十四年知

縣陳嵩齡修

縣志

三十八年知縣胡大衍修

嘉慶志

嘉慶九年知縣朱

宗騰修道光二十五年知縣周祖銜出俸銀數千修製禮器樂器

周祖銜記云邑向有大興作悉藉民力維持時令茲土者或賢而德

志五十五

學校一 學宮

七

哲後德既不逮才亦不及當下車之始歲遭水潦近雖獲豐稔乃
有穀賤之傷惴惴焉深懼民力之不堪而又不坐視地方之廢
墜也於興作之役一身任之歲辛丑既修社稷神祇先農壇壇各
工癸卯復葺武廟惟學宮工繁用劇蓋其時移篆隨州遂不克舉
越明年重葺斯邑謬登上考去有日矣時既迫促學宮頽毀之狀
益甚悒悒無以為計適因公入省郡丞何臺聞而謂余曰盍上陳
大府假以時日大府信君深必使觀厥成也余如所言果加採擇
咨展觀日予以半年之限因從容將事更喜學博劉君人彥葉生
甘霖相助為理如期告竣體制規模視前較備而堅實過之禮器
樂器悉遵欽定圖式謹製如儀或曰君獨力為之誠哉慷慨得毋
不讓善於人而欲專美於己乎余曰區區之心惟惜民是務不然
豈不知吾邑固好義者也余何必爭勝於前哲之所為也謹誌顛
末以白余志願與後之君子共明之咸豐十年寇燬明倫堂同治五年知縣胡復初

修志

名宦祠祀清郭世隆以下十七人

縣志

鄉賢祠祀宋程師德以下十九人

忠義孝弟祠在名宦祠左

節孝祠在鄉賢祠右

教諭訓導署在學宮左右

射圃在學後王思擲今廢均同

通山縣學宮在縣治左近聖坊羅埠山麓宋慶曆四年建元因之

縣志明初知縣任昂重建正統十三年知縣吳芸案嘉慶志教諭陳

銓修韓陽記云通山儒學距縣治百步而近舊有殿堂乃洪武初

治相抗遂以其堂遷於禮殿之左連今將五十稔正統辛酉匡南

吳芸來宰縣事拜謁之頃即以堂居廟左於制匪宜况前逼民居

後臨山麓隘陋局促殊屬難堪即欲移而正之正統戊辰適姑蘇

陳銓來典教事相與力排羣議鳩工庀材治地於禮殿之後鼎而

新焉基即曩時故址也始事於戊辰之冬十月竣工於己巳之春

二月未幾典教陳銓等具以其事謁於行臺再拜請文以記嗟乎

學校之興所以明倫理育人材政化以之而興風俗由之而美豈

細故哉惜乎邇年以來為郡邑官者惟簿書期會是先率以美教

化移風俗為不急甚則視學校殿堂頽毀以為泛常漠不加意予

恒病之亦有致予嫉之而咎之者焉今觀吳芸氏之宰通山學學

以學校為念不惟修而理之矧又能正前人邪術之謬而上體朝

廷尊師重道毓材圖治之盛心予故次第其事俾勒諸石以為將

來之居官者勸云

成化弘治間知縣戴諱朱廷芝修康熙湖廣通志嘉靖二十八

年邑人朱廷立修朱廷立記云通山學宮舊而新之不知凡幾矣

壞先師廟猶足蔽風雨庶與門風雨莫蔽也餘其蒿萊鳥鼠場矣

學師借居民間生徒來即散去咸太息曰咄咄是學宮耶安得如

戴公之為令也時有司者曰即如戴公者來能伸空手張牒濟事

耶公帑無銖積而興重役雖有志者將退然矣時廷立以少卿家

居聞而笑之曰是果於無志者也如有志田舍翁無露居者豈盡

足乎其財存乎其志焉耳嗟乎有司無志矣士夫居是邑者第旁

視之莫出一力學校非根本地哉奈何獨有司笑而不知眾人之

志辛五

學校一 學宮

文

其時巡撫都察御史陸公杰發帑四十金為廷立修少卿坊廷立
即藉是為酒肴費邀致諸鄉之嗜義者先後至舍至則勸之日諸
君尚予聽哉事以義起不必於舊財以義取不徒於積其各量力
捐資新我學宮共成厥美庶亦不虛於義聞僉應之日盛事盛事
其誰弗先生聽皆歡醉去已則或以金或以布縷或以穀粟或
以木植相率來助縣吏曰宜白當道縣以贖白當道乃巡按御史
史公褒善曰此吾輩事也煩鄉官耶益以州幣百金於是闢舊地
為明倫堂為兩齋為兩廡為儀門為官舍甫豎蓋矣廷立起官都
御史協理堂政諸所修葺未及也北至上至楚城藩臬諸公以百二
十金為起中丞坊廷立以狀致之府府以致之縣縣為是役費已言
之巡撫姜公儀巡按高公節賈公大亨亦日吾輩事也煩鄉官耶
發府帑益以二百金且移文趣之矣是時邑合林公金至日有司
事也煩上官趣耶乃亟修葺前所未備者完整矣謂先師廟且壞
弗稱撤而更新之為櫺星門易以石為儒學門若啓聖祠舊未有

也相地爲之諸所規制視昔益軒做宏大堅好美麗瞻顧有嚴翼
乎煥乎甲他邑矣崇祀典育人材庶其奉國常乎工起於嘉靖之
壬寅訖於己酉計費蓋千餘金焉尋常瑣細不在也夫濟事者財
也處事者人也主之者志也始廷立之創議也何嘗以財足也而
事竟以財濟存乎其志也志以立義義立而上不交助之厥美之
所由成也所謂存乎其志焉者顧不信哉嗟乎學問之道亦如是
矣凡我士人聚於斯學於斯將以日新其德殆亦如今之新學宮
乎乘時駿發以敷茂猷以樹鴻烈上以副國家建學之意下以昭
鄉邦鍾材之美亦曰存乎其志焉爾孔門之學以不踰矩爲極功
其始在於志學固士人所服膺者乎是舉也當道諸公通崇文教
林公區畫經度如家事然心思所及罔不盡其贊助之力工成三
珠訓導陳君相宸金君龍冀其成亦罔不盡其贊助之力工成三
年矣其勞績未有書侯名筆也廷立愚瑣偶爲吾黨先驅根本之
地義無容辭奚勞績焉乃若諸鄉耆士則何與哉一旦聞義而捐
已資其美不無書後有著清康熙十年知縣龔在升修志縣
錄不暇悉矣乃備誌其名於後

正中知縣李埂吳飛九井浚學官鍾惟聲丁永琪修

二年知縣陳鈞修嘉慶十七年知縣田穠改建七載始成

云通羊之廟始創於宋慶曆甲申終葺於明嘉靖丁未蓋其由來
者遠矣我朝乾隆壬寅更諸其後而往制胥溼嗣是歷三十年漸
就傾頽嘉慶癸酉兩學李炳齋王覺人達之縣令田君爲疏以倡
是秋八月興工籌畫經營載經七稔告藏於己卯年嘉平之月斯

志五十五

學校一學宮

充

廟也大成殿歸舊址正位居中如鼓如矢其後爲明倫堂爲崇聖
祠爲尊經閣爲月臺爲鐘鼓樓爲東西廡臺前爲大成門爲月宮
橋爲名宦鄉賢祠橋前爲櫺星門爲鯤化池爲東西齋門四咸豐
圍繚以高垣內外更新金漆如式堂哉皇哉洵一大傑構也

王子知縣鍾榮光建位號

名宦祠祀宋蔣之奇以下三十二人

鄉賢祠祀明韓衡以下二十五人

忠義孝弟祠

節孝祠在縣署右

教諭署舊在明倫堂左未修復訓導署在學宮右毓材坊

射圃久廢

漢陽府學宮在府治西鳳棲山麓創於宋慶曆中明洪武初知府

程瑞因宋舊址建成化中知府何淡弘治中知府張銳張文質修

王紀記云弘治壬子冬紀拜湖北提學之命明年春始蒞任是夏
巡漢陽循故事謁先聖廟諦視廟廡堂齋號饌諸屋日就圯壞規

模且狹隘議欲重修署學正訓導曾謙牛禎等且請於巡撫洪洞
韓公文暨巡按洛川田公大淵二君子倦倦以作興學校為心憲
長蕭田林君俊又從而贊之皆允其請發帑帑白金若干為木植
灰石甄瓦工匠之費知府秦陽張銳欣然從事未幾銳官滿去命
安陸州學正林啓董其役又明年甲寅扶風張文質來視府篆為
之益力委訓導李洪諸生趙允柳中倫陳珏彭楚豪耆民任政舒
鳳分理其事而稽其成集材鳩工規制煥然案漢陽志儒學在郡
城鳳棲山之陽創自宋慶曆中我朝洪武初鼎建焉正統癸亥革
漢陽縣學並入之成化戊戌知府何淡修葺之始備師生之數視
各郡其閒廢而修者屢矣雖莫之修與否然百嘉靖中知府賈應春
聖賢道在萬世固不繫於學之修與否然百嘉靖中知府賈應春
工居肆以成其事士子非學何以精其業哉
十二年知府宋沂修制宏敞修復之力艱於費既久日益就頽圯
嘉靖王辰宋侯涖止進多士語曰儒業以專志而成就則業精
今身無所止則志不專矣其何以為學遂白巡臺余公錡取給罰
鍰經營規畫上自大咸殿次及兩廡則葺舊為新號舍可葺也則
鼎新之落成之日進諸生告曰爰自畫野奠方於癸巳之春不期年而
訖工落成之日進諸生告曰爰自畫野奠方於癸巳之春不期年而
形勝而居形勝以人物而耀學校者人物之萃也郡居漢水之陽
內枕鳳山外羅大別漢水西流岷江南下其見於經曰江漢朝宗
于海曰內方至大別曰滔滔江漢南國之紀是楚控秦蜀吳越之
衝而形勝大觀曰惟江漢形勝麗矣而學校匪光責其有歸乎諸士曰是誠在
也形勝麗矣學校飾矣而儒業匪光責其有歸乎諸士曰是誠在

志五十五

學校一學宮

三

我請益侯曰學宮始其完固猶夫今也垂久而微且廢者風實
雨隙累寸而尺累尺而丈遂滋蔓矣善圖者其寸而葺之雖終焉
永臧奚庸滋費乎士之於學也亦然累德而詣夫高明者固自夫
微漸始失德而入於幽暗者亦自夫微漸始古人惟日兢兢於
豆戶牖動罔弗銘罔弗戒者慮夫漸也諸生學古修文飭躬端本
以一身而計天下以一時而計萬世何大且遠哉知幾則自夫小
者邇者敬慎之則微而漸漸而著著而盛盛焉乃有底績諸士諾
而服之莊誦於予竝識之以詔後來侯諱沂字某由進士膺兵戶
二部郎陞萬曆三十四年知府王宗泰三十七年知府舒體震相
繼修李宗魯記云府有學二百餘年於茲矣守士者憚於修葺之
甲辰秋諸生乃力請於學憲竇公公嘉其義捐各府刻書銀數十
金撤郡邑長重修之會宗子構孽有公大艱於楚武漢開摘發無寧
日議暨寢是歲嘉平既望王府君來守茲土命諸生復申前請有
請度支院道者公曰恐損上不便有請罰緩給用者公曰恐瘠下
不便又有稱良賈富民好行義者公曰文學事借資若屬尤不便
乃自捐年俸之半逮貳佐有差檄下而邑長吏黎君與諸生有志
者翕然輸俸與饋若干金相期共成盛舉學前舊有雲路通於城
南太學生王書樓適礙之公曉以諸生之義旋即折卸本學二十
年湮鬱之氣殊覺頓舒矣學中原本少尊經閣諸生請毀淫祠木植
議勅馬說者謂逼縣之右公命無過高額以樂育堂董師儒課藝
其中始事乙巳正月至丙午春正工竣甫一年耳輪奐盡美宮牆
幸新予獲觀厥成揖多士而進曰今天下正道雖明人心易邪佛

宮梵宇彫甍繡柱而翼校殊闕然乃府君首政獨倦倦庸詎侈弘
文之義以壯觀乎蓋以教化百年而後興綱常萬古以爲治在周
禮大司徒掌成均之法建邦之五典孟子曰學則三代共之皆所
以明人倫也孔子春秋一書因魯史之文表章忠孝使亂臣賊子
知所懼即大禹明德垂江漢問多士習耳而目者緬想當年亦惟
憂君之憂蓋父之愆故曰聖人人倫之至也多士列名膠庠景仰
禹孔何身無倫何倫無可自盡苟妄自菲薄甘心暴棄甚者左袒
二氏浸淫於異端曲說之歸是負罪名教學之所不容也昔游定
夫黃勉齋兩先生知漢陽口討其子弟相與究孝弟之理詔德義
之行緇左道之倡士習翕然丕變至今尸而祝之今府君雅意育
材教化有人矣今之多士昔之多士也其何以酬明德萬一願多
士思奉教化先謹德行而欲端德行之先篤倫理期於家爲孝友於
學爲真儒於國爲名臣以無愧視台之傳以直接孔孟之統以勉
歸游黃之義以無負寶學使王府君之明德我鄉國實嘉賴之爾
多士助旃若乃襲筌隲競風雲以舉子業相雄使菁華蔚起甲第
雲蒸亦地靈則人傑爾自有學以舉子業相雄使菁華蔚起甲第
役也兼理則教授陳以規畫則生員汪時躍
揚如傑督工則善人楊彬文應舉例得並書

六年知府傅應星重建十六年知府楊必達修

府學宮在府治西形家言爲別山河水之所疑滙而此地獨鍾其
秀府轄僅二縣耳其閒理學節義功業名賢輩出即今科名之盛
上第高科世家名族自卿貳翰苑清要諸路以及府州縣專城之
屬甲於他郡或果人傑地靈相應而然乎粵稽舊志明萬曆丙午

志五十五

學校一學宮

三

增修時鄉之大夫士飲助之費甚鉅先中憲爲之記厥後寇証兵
亂殿廡委諸草莽祠署鞠爲馬肆過其地者未嘗不歎歎感泣而
因傷其力之不逮也本朝建官以來二三有司沿加葺除曾有來
真山乞言於先文介者卒以取財浩繁功遂中輟今三韓楊公來
守士毅然以修復爲任捐俸斥贖量工計日不數月而煥然一新
即走書顧余而請曰願有記也余少遊於斯學矣兩世先公且有
言余雖養病林閒其何敢辭嗟乎學校之設所關於人心風俗豈
不大哉古先王之教人也禮樂以養其志器數以習其節其用人
也九年而後視其成四十年而後視之任故其士日有事俎豆筐
雅頌聲歌而後與其志常有以自下速成躁進之氣除之既盡卽
身抱義而處與其志常有以自下速成躁進之氣除之既盡卽終其
日馳願乎外也苟出而圖吾君臨民切如傷之懷赴義有恐後之
羞其所漸積者然矣若一旦當國家疆場之事戡亂定危受成於
廟文事修而武功備煌煌史冊無不共奉爲偉人閒氣而孰知先
王之寓其意於庠序使人樂其學之大成而養之有素固如此其
深遠而無窮乎後世學校之權不重禮崩而樂壞器弛而教失士
子朝夕之所誦習者章句而已矣所揣摩者勢利而已矣上之所
求者在彼而所下之所應者在此僥倖取効於有司則爲大丈夫得
志於時者之所爲也平生志尚如是而止耳忱之以威而色變誘
之以喜而心動者何也中無主也而止耳忱之以威而色變誘
用之不早驕語巖穴訕策雜出內多可欲之實而外施傲戾之色
甚至指重道尊賢者爲迂腐病貴尚齒者爲詭譎人之心之壞釀
爲風俗有識者鯁鯁憂之又何怪乎歎學校之空名譏子矜於城
闕幾別議所以取士之途而特不欲越孔子之道以垂法天下後

世也今聖天子在上勵精圖治務崇實力乃嚴其途於進取仍專留一師以為表率漢俗素稱淳龐理學節義功業名賢之流風未墜諸士多材砥礪躬行一返於古我知其無難無徒使人謂漢陽之盛獨在科名以仰答朝廷豈弟作人之化楊公今日修復學宮之意其於為政也誠知所先哉楊公名必達號振聲知漢陽府事 康熙二十九年知府戴夢熊郡人江漢後知府郝士鏞郡人秦壇江祚對嘉慶八年漢陽監生李

樂中修 嘉慶志 紀蘭記云余以嘉慶重光作噩之歲由吏部郎中考滿恭奉特簡來守是邦涖郡日首謁聖廟見大成殿

丹漆剝蝕其東西兩廡則漸就傾圮非重修不可心慙然憂之時湖北頻年用兵漢陽水陸交衝軍需旁午且是年大田歉收蒙皇
上蠲賦賜卹而郡之士商亦相率樂輸捐賑守土之吏方奔走不
遑勢不得緩以有待雖然人之好善誰不如我以余之絲力薄
材昨者督理捐賑計耗金錢凡數萬有奇而民之賴以全活者至
不可數計其間分日分段瓜疇而芋區之不濫不漏抑亦此邦士
大夫同心協贊之力也况聞昔年漢陽縣學及郡城試院兩鉅工
皆朱君瀚一人力任之遽伯玉耻獨為君子余安敢謂今日之漢
陽遂無朱君其人任之者亥歲既既有秋政通人和爰與郡中士大
夫集議捐修越數日漢陽邑令陳瞻燧偕署教諭魏守誠果以監
生李樂中獨修請遂於九月杪興工越十二月上旬落成自崇聖
祠大成殿以及櫺星門並鄉賢名宦各祠輪奐一新祭樂器咸備
計糜縉錢三千有奇葺工甚速臺使者將以其名咨部於例且得
優敘生尤抑然自下以義力辭夫漢陽之為郡江漢交匯而大別

志辛五

學校一 學宮

三

之山則神禹之舊跡在焉宜其岡巒雄秀人文蔚起為東南一大都會國家百數十年來厚澤深仁涵濡醞釀士有欣欣向風若李生者得不謂之翹然獨出而以余忝任守土之責顧於興賢育材之地緇於物力無能為役而徒藉手以觀厥成此則區區之心所

疾者爾 咸豐二年寇燬九年知府劉齊銜修光緒二年知府嚴昉

教授李承揆訓導楊光顯製樂器祭器 采訪 冊

名宦祠祀周鬪穀於菟以下一百二人 采訪 冊

鄉賢祠祀唐陸羽以下一百六十一人

忠義孝弟祠在學宮內久廢 節孝祠在學宮外

教授訓導署在學宮左右 均同上

射圃

漢陽縣學宮在南紀門明初建正統八年裁併入府學萬曆十三

年知府杜從易 嘉慶志作 王學古 知縣喻應台請之乃復建焉十五年知

縣管宗泰漸拓其規二十一年知縣陳堯欽修 康熙湖廣通志 郭維賢記云萬曆

王辰余奉命撫三楚時當旱魃餘烈予拮据以授饑殍思無方救也亡何漢陽守令眾博士諸生狀上漢隔會城盈盈一水臺司教化所先被者而邑學久災燬先是戊子歲漢冲蕭太史公謀諸當道者以請禮部上其事詔曰可遂創建之惟時規模經始堂廟未構教迪無所茲欲陶冶治此蔚而或翹秀計當一鼎飾之置尊俎酌縣鐘待扣學校亦諸士之尊鐘也予曰固也球火之家豈暇先言夫人生死禮義緩急之辨也時誦而羸是務舉乎二三子姑少待焉明年年稍順成民萌漸輯牧守合眾博士諸生復請且曰公帑之藏誠不足贍漢之鄉先生為子弟故將施於宜邑有富人子頗端財守義而說之可卒辦一二也予曰蔡猶能衛其足予不能衛士致煩里中長予耻焉而下逮富人子富人子辛若年十一斂以警士非所以訓士廉不可乃命守藏按籍會稽緩金如干權金如干無名錯若干會諸司帑會諸郡帑又會諸縣帑金既具乃命護作料日月程土物計徒庸攄材用平板餘設填髮書餼糧故可繕者繕之其未構者構之務式於度始事於癸巳八月已事於甲午之月既落成守令眾博士諸生復上狀句予一言予進多士前而語曰若知漢陽之學所自來乎自有漢以來官師其地者不知幾千百人顧民所謳吟而思慕之社稷而尸祝之惟夏后氏及游定夫黃直卿二先生禹王之磯專祠文命鳳棲之後並祀二賢蓋亦謂禹見知堯舜上紹精一之傳游與黃受業於程朱而遠翼孔氏之宗也則漢人士與聞此學也淵源所從來遠矣禹貢曰惟荊州江漢朝宗于海導嶓冢至荆山內方至於大別禹往來於漢亦廬矣志稱定夫知漢陽軍郡治後為屋館四方士勉齋有政教錄則二賢所以教漢人士亦廬矣予與漢守令維新邑校州處多士之

志五十五

學校一 學宮

三

秀而薪樵之也即不敢望於一聖二賢而其迹之履良亦相肖予何以助多士孟子曰學則三代共之皆所以明人倫也舍倫無學舍明倫無講學大禹克蓋父愆勵力虞廷略無一毫怨讐其主之意始勤於國不顧塗山之娶呱呱之子終之地不天成與子以定萬世克勤克儉不矜不伐其於五倫之際至矣盡矣定夫事親無違交朋友有信泄官遇僚吏有恩惠政在民戴之如父母直卿有言君臣父子夫婦長幼一失其序天典不立人道夷狄朋友道絕則此四者雖欲各居其分其勢焉得由是言之禹之所以學於夏游黃之所以學於宋者明此倫也漢人士所尊且信者三聖賢尊信其名而不尊信其學是葉公之好偽形睹真龍而失色也多士之春秋俎豆於三聖賢也豈不慨然慕祇台之風侈游黃之義顧其行具狂而就之若渴去之若熱以曾史之詞售其豎匠之心則亦異乎向之尊信之易也而亦願漢人士平日所尊且信者躬行之以冀其尊且信之實也而亦願漢人士平日所尊且信者躬行之以求其尊且信之實也而亦願漢人士平日所尊且信者躬行之以異是是役也綜理則漢陽府知府胡篤卿通判秦從周劉兆文推官毛一公分理則漢陽縣知縣陳二十八

諭陳陽和修三十六年水圯三十七年知府舒體震重建

縣志舒體震

記云案縣志自國初即有學永樂間徵名儒雪航趙先生職教諭理學賴以講明人文漸著迨正統初厄火悉鞠為煨燼嗣後艱再造正統癸亥議裁革諸弟子員並郡庠舊址改為右千戶所有識者恆惋惜之久未有計恢復者萬曆乙酉漢冲蕭太史公謀於按

臺任公上其事於朝報可乃即舊址改建焉時規模粗具而堂廡
櫺星門泮池咸屬焉有歲癸巳眾力請於撫憲郭公稍宏敞壯觀
而啓聖祠禮門義路坊暨垣墉渠道猶缺已亥秋博士弟子適用
爲孝學即未必遽入聖賢之域要亦君子路上人已由是居鄉則
不失爲太丘彥方也鄉之表率攸存立朝則不失爲長孺稚圭希
文也朝廷之嚴憚莫安攸賴隱顯一致用舍咸宜聖賢實庶可
幾及不然者雖斫斲窮年蠹魚乎簡編濬發巧心醴郁文藻足以
衛官景宋命僕班馬奴隸曹劉於真儒實用奚當無爲貴學矣譬
之木然體驗其根柢也實也詞章其枝葉也華也實也弗立華惡
能茂即茂亦的然易稿則深造之說尚也李太白記袁州學後世
獨稱其有關於世教非謂是與漢人士嘗聞雪航理學之訓淵源
有自以制科名德顯者彬彬代不乏人茲必景行思奮使後來者
愈出愈奇衰然特盛於曩昔斯克應地靈方昌之氣運而無負今
日修學意也予不敏濫有作人責屬望於諸士者誠厚故言不以
美而以規願相與共勉馬爾諸生果以予言合喙而取爲他山之
錯唯聽其以辱大方而等之敝帚亦唯聽至田以贍學尤不可不
加之意本學一市山陽鄉祝受田計租爲石者一十五歲與佃均
分則癸巳郭撫臺命置也一市吳文學田計租爲石者五十計租
爲額者三百有奇歲所出產與郡學均所入則戊申劉邑令置也
蕭太史公曾記而勒之碑隨以侵牟者乘學圯去其碑以滅跡後
將何考並附見於此工肇於己酉冬成於庚戌秋同予綜其事者
別駕林君夢鼎司理宋君萬略分其事者漢陽章令銓董其役者
邢學博俸朱學博時榮而邢君朝夕拮据區畫周詳於翼成之功

志五十五

學校一 學宮

五

居多至陳經歷治安陳照磨於階典 四十年知府馬御丙修崇禎
史黃堂皆與有助勳勞例得並書

未兵燬清順治十四年知府邱俊孫教諭凌建奇重建康熙湖廣通志

伯龍記云我漢陽不及他中邑而分疆畫界者必郡之邑之誠以
晴川爲荆鄂之輔固江北教化所自始也先是兵燹一切圯毀遲
數年而府學修獨縣庠廢址頽然在灌莽間莫識也所存磚石法
物又爲鼠竊殆盡縣學師凌與邑生徒愴然感懷者久之一日大
集郡邑諸生醴酒先聖之靈謀卜築之時太守邱公祖善其舉用
是斂募歸官擇吉庀事拮据勞瘁漸有成緒而役修費廣又幾中
輟幸直指望石李公祖捐助落成且日至籌畫焉始於丁酉歲成
於戊戌先後間郡守楊公別駕徐公司理鄒公姚公邑侯范公金
公曲公及龔學師同事相協康熙中知府柳國勳郭朝祚修縣志
例得壽諸貞石用光俎豆云

隆元年知縣沈孟堅率邑人徐譜修嘉慶志 咸豐二年寇燬十一年

知縣張孔修率邑人重建縣志 光緒四年知縣蔡炳榮修采訪冊

名宦祠祀宋游酢以下三十九人采訪冊

鄉賢祠祀明戴景文以下三十四人

忠義孝弟祠祀明王會篇以下一百六人

節孝祠在鼓樓右

教諭署在學宮東訓導署在教諭署後

射圃久廢均同上

夏口廳今改縣學宮在後城馬路旁大觀音閣舊址清光緒三十一年撫民同知陳夔麟創建三十三年工竣采訪冊

名宦祠

鄉賢祠

忠義孝弟祠

訓導署

射圃

漢川縣學宮在縣治東北元至元二十六年

建嘉慶志至正元年縣令楊觀修黃清老記云漢川縣在大江北漢

水經縣治南北流六十里至大別

志五十五

學校一 學宮

三

山合江朝宗於海地平行數罹懷襄不常厥邑四遷至長城鄉而廟學從之至元中監邑五麻兒懷義始營表奠基以開田三十頃有奇在大赤涓後至元己卯冬江南湖北道僉憲王公朝烈按部自年屋宇滋壞後至元己卯冬江南湖北道僉憲王公朝烈按部自博士陳士臣理而備之他故弗能及也越明年辛巳楊使君觀自詞臣出宰將有事於庠宮首會廩粟多寡學籍漫不足則徵耕者所授地約正之得隱田頃有七十畝歲增穀一七十七石有奇日是足養矣乃閱生徒有力役在官者檄所司弛之監邑月列鐵木兒是其議俾役以輸凡學之用且與之約曰七十二子儀像學者瞻其德容皆可興起舊有闕繪之可乎門故所有風雨若不支非所以尊嚴宮廟也新之可乎太學有齋肄業者居之今無其是微教養也子欲使之奉幣禮名儒主其席士聞之咸相與負簞登相奚其可乃願親弦歌之化因闢地堂北築室四楹匾曰文會疏自遠而至于垣墉嘉植蔭之高明靜虛公退日一至與諸生問辨以軒牖繚以垣墉嘉植蔭之高明靜虛公退日一至與諸生問辨進善而誨不能眾益用懋博之士居知德侯用心具本末來請記因論於眾曰邑侯修學訓諸生何居知之矣天一生兆民作之君師養而教之天子曰侯廣輪畫疆理以天命分寄於司徒堯舜禹湯文武治天下道在六經昭昭較著武城小邑子游以是教其民夫倫喜之豈以大小二其用哉父子君臣夫婦長幼朋友在人為大倫天以與我日用不可須臾離其踐行謂之合天反是謂之棄天有君子焉憫其失而道之求其從則樂而與其進其弗順則懲而加之威所以祇奉上命而行其治於一邑者也今楊侯於漢川敦本務農輕徭薄賦以休養生息復興教崇化俾人人求其德而力踐

之蓋欲與斯民同歸於君子措刑於不用是即武城弦歌之心也
子亦嘗思之乎眾曰既承教矣敢不加勉以無負吾邑侯之德願
授而刻之以勵其元末燬於兵明洪武初知縣張敬建正統七年
後人於是乎記

知縣陳惠嘉靖元年知縣王元佐修二十五年知府賈應春改建
於伏龍山下嘉靖四十三年知府劉廷梅知縣昌應會復建今所

萬曆十九年知縣安其善二十五年知縣沈立敬三十八年知府

舒體震修清順治九年知縣冀應熊出俸銀修

冀應熊記云川邑學宮舊址在伏龍山開天觀之上明興始改今處其廟寢陋而圯其規置闕而僅余初治邑時以軍役繁興物用告訕未敢侈言改作也粵兩期時和年豐邑之神士合詞以請遂勉捐薄俸百金力新首事雖愧塵鞅僕僕未足為都人士倡第思古人節以制度說以使民必有其本源焉忝治斯邑矣而忍令大成之丹麓削色乎兩廡殺雜可無稽乎戟門塵漬可無清乎且櫺門當復子午之嚮泮水當在戟櫺之間啓聖合食宜奉高寢明倫砥士宜肅開楹儀門鬻門文範之所由也宜節進止數者一之弗虔是委至教於草莽矣內度諸志外稽諸謀用財幾何用役幾何土石材葦於何取之脂膠黝堊於何給之若是者數月孜孜然如子弟為父兄營室一椽一瓦一坵一闔僉欲遠去鳥鼠風雨之患而後即安紳士人庶亦如子弟率父兄之指肯父兄之堂幾閱月而報成不動正供不妨農務馨鼓不

志五十五

學校一 學宮

美

俟五鳩咸曰作大事必順天時洵有然也然所以為是者欲使鄉人邑士瞻仰樛星之易嚮知為類宮之門也遊憩壁水之環血知為類宮之水也旅進戟門雙柏陰森密幹疊翠莫不洗心滌慮於晃昱之中者知予起事動眾凡為俊秀觀厥成也藉芹香藻采之旨寫都人髦士之光倘不俎豆其間十七年教諭鄒山康熙元年馬用陳說為故願與邑人士交勉之

恩修 采訪 冊

名宦祠祀元許弼以下十二人 縣志

鄉賢祠祀元黃元吉以下二十一人

忠義孝弟祠在明倫堂東

節孝祠在明倫堂西

教諭訓導署在學宮東

射圃在學宮門外文水溝南均同

孝感縣學宮舊在縣治東宋端平中燬於兵元至元間縣令趙資

仁喬成劉諒徐元素等次第刼建元末復燬於兵明洪武五年知

縣朱師勝即常平倉地建亦在治東視前為近九年省縣入州學

遂廢十三年復置縣知縣宋顯銘即宋元廢址建後教諭梁炯知

縣史搢曹敬推官黃鞏知縣龍興郭斗雷鳴春趙可鎔相繼修隆

慶四年知縣劉崑廢會真觀改建今所嘉慶志劉伯燮記云聖

以前二氏之學未興亦無以儒名三代以後楊墨起佛老興吾儒
之道世習聞而忘其益雖儒者爭闢揚墨攻佛老如唐韓愈氏
欲火其書廬其居人其人然二氏之瓊函玉軸琳宮梵宇巍然照
耀孰能去之抑轉移化導之有非可以口舌爭與明興二百
何能人哉母昔其居且與吾之學並立乃吾邑孝昌之學尤屬未
安邑之中為會真觀以奉老氏學宮僻居東偏湫隘殊甚先是擬
易之者屢卒不果豈吾道之新固必有待哉隆慶戊辰秋萬安劉

志五十五

學校一學宮

三

侯至一意崇正學以作人心明年道行治理觀學宮之偏且隘慨
然歎曰吾必有以新之為告於諸生謀於學官郭君惟敘江君龍
李君上達蘭君朝臣白於當道請即會真觀為學宮於是更三清
殿為至聖殿而殿新矣更玉皇閣為尊經閣而閣新矣更真觀堂
為兩廡而廡新矣餘若敬一亭啓聖鄉賢名宦各祠或取諸隙地
或仍其舊宇而規模赫奕一新矣易羽衣為青衿化鼎爐為簞簋
嗟乎昔固老氏居也今以之藏聖人之書爰聖人之靈羣聖人之
人則政其書雖存其人不齒所謂廬其居者庶其見之哉邑博沈
君聞政胡君繼矩率諸士湯生聘祝生文而明魏生秉直劉生某俾
記之夫諸士知學之新矣抑知人心之無溺於舊乎日詩書而心
偵利是不啻二氏之荒吾道也名為聖學而思清淨以為宗假鍛
煉以爲旨是不啻二氏之竊吾道也譚生理指真機而當應感紛
紜之際卒不免舛二氏之謬蓋是不啻二氏之蠹吾道也惟內有所主
外不能奪一切聲臭若天風之驅浮雲是所以新其荒者惟指歸
脈絡一新以聖人為宗確乎天理人心之正二氏之學其荒者惟
所以新其竊者天則在我靈燭虛明投之繁劇納之嶮巖吾心之
真常在焉是所以新其蠹者益聖人之學不在宮牆以是為學互
萬古而常新者也諸士其知者蓋聖人之學延袤仍規舊址前稍拓民
居易以舊學之隙有房祭器有庫觀德有亭致齋有所凡若
干楹傍為鋪舍若干間歲收其租以供課業費是舉也侯首捐俸
以倡人心樂輸士民相助有差未逾時賦焉役募貧民以庸之創
始於己巳冬落成於庚午夏曾不逾時工作迄成是侯作新人心
之有道也侯名崑別號敬亭起家嘉靖丙午科其為政表節孝興
社學立社倉諸不盡述其言學以求仁為要尤嚴二氏之辨云

萬曆二十五年知縣彭同魁二十六年知縣夏相虞耆民楊慶鍾
等修崇禎十六年兵燬清順治十三年邑人屠奏疏重建十六年

知縣張擢士修張擢士記云孔子之道際王化以為幅王化彈廟

堂鞠為茂草邑大夫之責也鄉士大夫與有責焉乃有可考元之

之鄙邑漢唐以上邑乘荒矣禋祀無傳至元以降乃有可考元之

臣再修之明之臣七修之修之聖何加哉為聖人徒不忍委俎豆

於草莽耳自寇起三秦劫灰燒世鄙人為兵衝幾斬焉彼其時窟虎

韻過絃歌目不識丁不害為智而聖人之澤幾數切宮牆大力者

豹於鬻序欲戰馬於橋門人有盜心繫賊獨虎聯翩翔王路而木

負之而走矣爾來鋒銷燧熄十有七年儒道聯翩翔王路而木

鐸之區尚瓦礫蕪未糞除也擢士受事茲土涖任之明日觀先

聖於學宮禮也觀已周眎而高堂頌齋庶盡碧瑩折璜水平圖像

蕭條屠蘇而繼其上若承塵焉有楹無壁有棖無題零零墮侈恆

有墜勢且也凌風鑠面積雨沒脛赤剝白殘黝昧就滅蓋吾夫子

自削跡伐檀之後二千年再遭斯厄也擢士低回難忍夜不能寐

顧傳曰先成民而後致力於神以擢士之不敏未遑於成民大懼

弗即弗圖以辱夫子期年民少又乃屬教諭王君訓導曾君暨鄉

大夫諸弟子員而謂之日孝感蔚蔚人甲三楚而鬻廟圯墮若

是不競也不競之氣始於學衷於文終於人吾滋懼矣夫緇流黃

冠猶競其教而吾儒固愬然無故宮禾黍於人吾滋懼矣夫緇流黃

士募焉士忝長也例當倡鄉大夫乃首捐貲為弟子勸爰卜日剪

志序五

學校一 學宮

三

荆棘平塊北撤故宇而更新之雖日重修實創始也顧明制主弗
像洪武七年詔府州縣故有像者仍之曰不忍毀也故孝感之廟
猶像堯頭禹身式舊型也邊豆登銅遵周制也笙鏞祝啟奏古聲
也牲幣登獻循國章也四配十哲列於大成之堂先儒先賢序於
兩廡之下式序有嚴規模大敞曠曠照於大成之堂先儒先賢序於
何而瓦礫蕪蕪不可復識矣於斯時也青衿之子駿奔走以為榮
戴白之老歎威儀之復見聽矣於斯時也青衿之子駿奔走以為榮
則青莪載澤於是乎噓為春風潤為時雨絃於斯時也青衿之子駿
於斯器用陶匏食不鑿命曰稱孝感之學歟於斯時也青衿之子駿
亦藉乎諸士大夫以竣斯役也曰稱孝感之學歟於斯時也青衿之
栗之數助贊董役之人泊審曲面勢之詳太一叢辰之卜若工直金
於碑之陰諸弟子謂新宮當有贊曰鄆壤四戰南北皆得列
兵興以還儒林折角癸未崩騫泰山其淵劫火墟巒茂草芊芊梁
木斯頹不脛而走遺範荒涼播居林藪綠池春盡白露秋零嘉禮
野合聖弗居歛有攸經始元龜告社乃謂斯神亦集弟子我謀既
同爰固枉宮在濃之陽在治之龜告社乃謂斯神亦集弟子我謀既
備罔惜力疏杼登之匠木在治之龜告社乃謂斯神亦集弟子我謀既
馬宏廣藻井摧摧構榑爽有堂明倫有閣尊經有祠啓聖門號
樞星周垣遼廓楮火研聖庭燎有爛魏費觚稜金爵既考我宮肆伐
鐘日維上丁肇祀美威儀祈有爛魏費觚稜金爵既考我宮肆伐
我祀孔明我廟孔美威儀祈有爛魏費觚稜金爵既考我宮肆伐
刑仁範讓化速郊垌興賢育才以祈爾爵天子萬年我宮於鏤康

熙三十年知縣梁鳳翔五十四年知縣劉朝講修雍正八年改隸

漢陽府道光八年知縣鄧應熙修鄧應熙記云稽邑之文廟創建於前明隆慶間即會真觀之故

址也維時啓聖有祠尊經有閣舊碑特書焉至國朝康熙乙亥而

重修其間數十年人文之盛甲於楚省如熊文端公經義齋集學

統閑道錄諸書尤足闡明聖言有功斯道不獨經濟文章炳烺已

也迄今攷舊志學宮闕與閣均不在正殿後其體制深合厥後歷

年既久風雨飄搖雖閣時不無小補而傾圮者未及修舉矣甲申

冬余調任斯土見棟柱椽題多朽壞啓聖祠則在殿之西偏尊經

閣竟無孑遺矣余惻然作修復想因甲申乙酉歲連饑不果丁亥

春直隸屠方伯書來以牆嚮非古思復之於是集紳士於明倫堂

並訪諸近居故老猶有能約指其舊牆之所蓋改造尙未久也乃

掘地果得故居基因是決意仍舊爲大修之舉書復北平方伯欣然

樂助千金爲倡邑紳王拙存徐畏庵各捐重貲並肩任其責學師

田蔡兩夫子城守祝公孝廉王梅巖姚育于王仙谷蕭樂園管望

之紳士萬君年樂郭君椒馨等或勸捐或購材或監造各司其事

各任其勞皆始終無倦色以故克底於成當是時有以改嚮之說

進者謂此非原嚮乃重修時改作是說也不可以不辨何者兩階

柏樹大均數抱斷非重修後所置是古柏之分列成行即原嚮之

彰明昭著若改嚮之說行則老樹縱橫將必鋤而去之矣有是理

乎夫改嚮之說無他惑於堪輿家言爲科第計耳然即以科第論

昔固極盛今豈云衰况學校之設詎惟是掇巍科膺顯秩功名富

貴誇耀閭里云爾哉方今聖天子崇儒重道聖教昌明士君子生

當盛世讀聖人書求至德講要道上之可爲吾道之干城追蹤往

哲次之可爲經傳之羽翼美先儒處則理學出則名臣夫豈異

志五十五

學校一 學宮

无

人任耳諸君子爭自濯磨可也是舉也工越一年費踰巨道光十

萬祠閣宮牆悉復舊制工告成眾紳士屬余作文以記之道光十

六年知縣趙振清邑人屠之申等修二十九年水圯咸豐元年知

縣李塬率邑人修縣志

名宦祠祀宋謝憲子以下二十人縣志

鄉賢祠祀漢董永以下四十四人

忠義孝弟祠

節孝祠

教諭署在啓聖祠右訓導署在啓聖祠左均同

射圃

黃陂縣學宮在縣治東南隅明洪武初知縣吳炅建正德二年教

諭楊樑出俸銀購民居拓其址伐石樹櫺星門殿廡堂齋以次就

理沈鍾記云湖藩屬郡黃州控江漢滙流之衝東北隅一大形勝

黃陂爲郡屬邑迤西相望百餘里許地衍而平民耕漁而庶且

富宋時河南程公珦嘗尉於是秩滿不能歸遂家焉明道伊川兩
夫子實生於今之程鄉坊斯則地靈而人傑信有徵者邑固有學
其儲養人材漸沐兩夫子遺化數百載如一日學屢廢屢修具見
邑志乃者文廟兩廡櫺星戟門與夫講堂齋舍歲久浸為風雨所
蝕幾弗支學諭宜山楊君樑始至仰而歎曰茲學殆廢也歟哉吾
固不忍坐視爰括私藏得百金願罄出以助工費白於提學僉憲
盧陵陳公鳳梧公允之並謀於侍御交城李公天賦曰茲事也
爰委郡判南城黃君壽黃君韶成徐君昇又繼之民富而好義者
徐君繼之司訓會稽孟君韶成徐君昇又繼之民富而好義者
從之如歸市尋括公帑之羨餘以充適有絕軍田五頃有奇往往
為奸民侵盜搆虞芮之爭者八年御公定令付良民陳萬富督耕
養人者何至復害乎人爰白於侍御公定令付良民陳萬富督耕
甚既徙居民以資厥費暨修二夫子廟並諸義舉且視舊址逼隘
知一時並手偕作首樹櫺星門易以石諸君孟君就緒黃君以旌擢知
涪州去而郡判金陵楊君俊來代之徐君諸君人異而心同緒亦尋
光山陳君傑司訓上虞魯君軒來代之徐君諸君人異而心同緒亦尋
就廟廡堂齋櫺星門而鼎建已而飾以黝堊丹碧文采煥然改觀固
將獻享則俎豆增輝絃歌則詩書禮樂聲鏗而儀蹈濟矣猗歟
休哉蓋俶事於正德丁卯秋七月越明年戊辰九月落成學諭圖
記願末用為嘉靖元年副使陳昌檄知縣周音等用帑金買學旁
嗣後者告

志五十五

學校一 學宮

三

民舍更廣規制建祠於明倫堂左祀宋程迥程珦
縣志 許宗魯
記云黃陂廟學

建自某年歷歲久遠戟門之外互以通衢越衢直前為神路左右
夾民居居若士患嘉靖元年十月按察司副使新化陳公昌按部
廟之官師顧登堂晉其屬曰凡居業之區尚靜凡妥神之區尚潔凡
卜基尚昭通而方正余目斯學皆戾之夫學何以居業市喧雜焉廟
以妥神蓄穢褻焉且基塞而味缺而不整果何以居業市喧雜焉廟
作焉於是諸生高明府程公適縣尉贈大書上請邑人潘子
明復以宋縣令贈高明府程公適縣尉贈大書上請邑人潘子
議寓書於公協議復於公其事下合於縣知縣周音教諭衛熙輩集
議於眾眾咸何公鼇馬公紀咸報曰可於是規於巡撫都御史張公琮
巡按御史何公鼇馬公紀咸報曰可於是規於巡撫都御史張公琮
易其衢咸屬之學東門拓地五丈入尺有奇池前視門加二尺有
奇直引一十六丈四尺門西廣五丈池前加門八尺直引視東準
蓋昔邑民江允鳳胡朝輩之業償以庫金二百三十四兩有奇官
無強令民無咸容欣然就稱平允焉明年二月朔經始其事畢
撤民屋通貫開朗乃遷戟門於故池之所縮池居門中池東為名
宦祠西為鄉賢祠次為儀門殿堂齋廡仍舊增文飾墁靡不周備
工方次公復申檄同知趙以敬嚴之覈如初計事舉精實無侵漁
苟成同知且以學門參差為議公又易段需之居以闢學門學門
廊如工成之日途歌里謠民不告勞官師修職之士講業靈神妥
康邑序改觀各獲其所熙熙如也舊名宦祠止祀大中公珦至是
公採潘子明之議並祀開府公適初開府黃陂實生二程開大其業按
不能歸即寓居焉大中後以蔭錄尉黃陂實生二程開大其業按
逸志曰適令黃陂以清謹聞今即大中貧不能歸則開府之賢可

考而發祥昭德鍾於二程則又當知慶源矣故開府世祀為合禮
蓋程氏俱祖新安將軍忠壯公靈洗公於二公有宗道焉又明年
七月望有司告完公謂宗魯有後知縣劉拱辰楊起予劉時省李
司學之責屬為志碑以垂永久
恆呂調陽徐蓮僉事萬秀通判萬壽推官羅翰等相繼修崇禎十
二年知縣周元泰訓導朱家藩修明末盡圯清順治初知縣張尙
忠修康熙五年知縣楊廷蘊縣丞李成紀修康熙四十九年知縣
顧彩教諭高元傑訓導陳獻猷率邑人修五十三年教諭彭壽東
訓導陳獻猷率邑人併入學田修外泮池古溝建崇聖宮景程堂
雍正五年建照牆雍正湖廣通志八年改隸漢陽府乾隆三十八年知縣
黃元淳教諭孫廷槐訓導喻文璐率邑人修縣志
名宦祠祀宋程適以下二十二縣志
鄉賢祠祀元管如德以下四十人
忠義孝弟祠祀明丁普郎以下三人

志五十五

學校一 學宮

三

節孝祠雍正三年建在學宮外射圃前

教諭署在明倫堂東訓導署舊在啓聖祠前康熙初裁訓導缺乾

隆中復設訓導缺署建學宮外西偏

射圃在教諭署前均同上

沔陽州今改縣學宮在城內十字街舊為府學在城西南元季燬於

兵明洪武五年改遷今所六年落成州志九年改為州學康熙湖廣通志十

年知州金德修宣德正統景泰天順間知州李震鄒烜鍾順鄭立

相繼修成化九年知州呂文修黎淳記云沔陽舊學僻居州西南

其地不踰四五畝屋不滿三十楹上漏旁穿潢流草長神罔降靈
數年來知州延津呂侯文同知霑化孫侯景安州判餘姚邵侯性
三君繼至咸務興學乃開拓疆土加廣學舍掄選美材整葺殿堂
櫺星闕門孔曼且碩驅宰備器既完且堅泮水舊惟土階今則琢
石砌為梁兩廡舊皆木主今皆搏土塑成體貌邵侯又以聖像暨
四配十哲容顏剝落捐材選匠塗繪金碧彰施五色各為木龕奉
之吾道生輝益以亨通賢才得所遂皆盛顯癸巳二月邵侯告於
黎淳曰是當有記垂示後來淳聞古之坐者兩膝著地因其及蹠

而坐於其上漢文翁興學蜀郡有石刻聖賢坐者皆伸兩足蓋後
人為之也古之祀神臨祭設位題木作主無有像設孔孟時釋奠
皆然雖祭五祀亦惟以人為尸今聖賢祭祀各有像設亦後人為
之也雖然聖靈在天享於人如誠學者求道貴乎主敬人能誠敬
為務而躬行心得則聖人如親見之豈必專求諸形像哉斯舉也
師得而安其位弟子得而安其業厥功甚偉而吾提督學校按察
副使蕭田嚴公又於諸君子克遵其教條加誠敬之功則進而立
廉耻勸修德也諸君子克遵其教條加誠敬之功則進而立功名
顯道德尚何言之後知州孫衍彭萬里修正德十年知州徐咸以其
敝隘撤而新之魯鐸記云惟正德甲戌河大夫徐子正大興廟學
瞻興日沔為江漢間大州聖化所先而廟與學庫閣淺隘且日以
做如養士興道何大夫於是謀之府庾無儲也遂捐俸為金若干
登役書曰我姑覆篲之效也四境感激義生競相舉助後至則訾
媿以爲耻旬日白金輸公篲以千數計乃命工師傑圖式以示敦
事者期極於宏壯工徒胥勤効職事故成功不爽其素廟自大成
殿以下為楹凡四十有五學自明倫堂以下為門凡七十有一殿
高七丈五尺堂高不及殿者二丈而兩廊庶重門齋號官署門庖
各稱焉其戟門為楹六如殿數重等威也景賢祠齋宿所附於兩
廡便從事也既而據坊為三表著其東曰儲後西曰啓文又西近
通衢者特曰學宮別里巷也是役也公不計費民不知勞其材碩
堅其治精工益非為計於目前者費棟巍巍然遙見城表師生交賀
作氣增志駭駭而知向道居肆成事之喻夫豈誣哉故居是邦樂

志五

學校 學宮

三

有賢大十二年知州李濂嘉靖五年按察副使劉士元十年知州

曾儲二十八年知州王輔相繼修傳頤記云莆田少野鄭公汝舟

陽廟學沔陽公開府地也今上以承天獻皇帝園林在焉特置荆
西一道分巡用按察司僉事非才望之臣不輕畀公與青陽雙華
柯公喬皆先後拔自淹滯雙華始至見學之東有淤池焉欲恢拓
遷之稍東命義民楊柳十數輩覆土築會遷去乃止公繼之甫下
祀且令諸生居業哉兩庶登明倫堂顧瞻歎曰敝垣若此何以稱
人相維揚王君輔適簡來知州加意學校公一日集學正熊駿
訓導苗騰張士宏程式生員包達而下百八人謂之日集學正熊
學子惟卒雙華之志茲事體重予其卜諸既協吉乃屬王公經紀
其事又簡典膳劉遷冠帶生員汪傑邵薦朝夕臨視其費築務堅
其樸斲務實始事於丁未正月至戊申六月而工訖乃擇日釋
榮於先師祭畢進諸生於下爾之欲遷學也為其敝耳亦知吾人
學之微乎夫人才者出是故立之學校聯之官師乎古聖賢其言
養之乃得真才者出是故立之學校聯之官師乎古聖賢其言
具在六經語孟使之日習月繹玩索有得著之於身而發為文章
俟其成就然後登而用之因材任官咸行誼道術之士莫不濟濟
彬彬足以成後俊偉光明之業是朝廷建學之初意也士人讀書
必以聖賢為期其未用也家庭敦盡孝友取子不苛言動有
則一鄉之中用能興起禮樂助成風俗及舉於鄉升於朝內外大
小隨所除授咸殫盡心力勵已奉法其或有事則之死靡他士

人為學之極則也今天下士習聞以玩世傲晚為高趨時儼捷為賢放達不拘為通變浮沈免咎為盛德侈進取為豪傑認客氣為氣節若是者其處也非良士其出也非良臣豈聖王所以作人與士所以自待之意哉夫朝廷之建學其做也吾有司能修之士之為學其做也將誰諉乎在修己而已願聞之不覺惕然乃昌言曰少野之意吾黨類能知之然習而不察行而不著者多矣非加深省其不以為老生常談者幾希王君念學之興廢不可無誌命願記諸石願惟廟學在正德甲戌海鹽徐君咸嘗大撤而興之今三十餘年乃得少野起其做而吾人之學又得其所聞而自警豈非斯學昌大同一具一新之會耶因具載其言願與諸生共勸之三十七年知州袁福徵萬曆十年知州史自上三十四年知州許亨

志五十五

學校一 學宮

三

膠庠為壘斷任智舞文操吏長短若是者大夫寧願有之大夫近刻士約先德行後文藝型範具存諸生朝於斯夕於斯其務躬勵行以實趨向勿以惛淫敗德勿以玩愒廢學勿以朋比植黨勿以跡弛敗羣無論冠章甫破縫掖者務自表樹即幸而獵青紫登樞要者亦當思根本之地砥礪名節扶持世教勿使晚進者執繩墨而議其後大夫不與有榮施哉至於仰視檮桷俯視几筵先事是師相繼增飾定不使弦誦之地化為汙萊則有司之事非諸生之責也願諸生勉之朱公諱化孚吳之丹塗人大夫諱待任吳之常熱人龍君諱繼皋臨清州人崇禎十四年知州章曠修清順治十二年改建崇聖祠於明倫堂左康熙五年知州佟成年十一年知州王浩冲修王浩冲記云玉沙瑤草閒名賢接踵列在前編考書於此雖時殊勢異而培植士類則以學宮為教化之原國朝戊申春辛亥夏先後皆肇修而未備也及辛亥仲秋余承乏茲土始任之三日謁學宮郡庠諸子以修葺文廟請初不遑舉王子夏始捐俸金以爲郡倡自學博劉君以下捐俸有差大成殿舊制壯麗稍稍葺其罅漏戟門匾其額由戟門以至月橋後甃階十餘丈築土甃以石泮池濬深倍舊種荷數十本櫺星門左右官道準國學制建下馬坊至尊經閣奎壁樓諸處猶有待是年得鄉薦者內外學得六人多士進而請曰昔狄梁公爲復州刺史時桃李咸出公門今亦云然請勒石以記其四十四年知州朱化隆五十六年知事余遜謝不得爰爲之記

州盧振先雍正十年知州禹殿鼇修乾隆六年修嘉慶十四年州人平家立修孝子平澍購王氏地修外泮池十六年州人張錫瑞道光二十四年平仁凱咸豐元年張鴻衢修四年寇燬五年學正張際春率生員吳體元重修同治七年學正張子琴訓導胡采禾

修州志

名宦祠祀唐狄仁傑以下三十六人采訪冊

鄉賢祠祀唐陸羽以下二十四人

忠義孝弟祠祀宋陳嘉言以下六十三人

節孝祠在學宮外學正訓導署之間均同上

學正訓導署在學宮外節烈祠左右州志

射圃在仁風門外上關校場采訪冊

志五十五

學校一 學宮

三